

紀制

敘曰國家建邑首建官師監以司院佐以幕屬俾各有甯宇振撫其民于是有公署鄉有校儲有庾命有郵老有養幣有收而振撫之具犁然大備于是有署餘莫居食土粵有靈貺報功崇德粵有蒸禋于是有壇有廟有祠墓二氏分宮蟬蛻溟滓多在名山綸音煌煌于是有寺觀若此者皆古制也皆可紀也曰紀制

公署一

縣治在城西南豐富坊前臨吳山建於洪武四年

錢塘縣志

紀制

一

正治爲如保堂爲戒石亭爲朝宗首縣門爲儀門又東出爲正門如保堂北爲亦保堂爲衙舍堂東西爲庫又東爲典史廳西爲丞廨簿廨吏廨堂前東西爲六房分二十房科朝宗門外東西爲土地祠爲獄儀門外東西爲申明旌善亭東有見賓館西有輕監萬厯三十三年不佞按囹圄幽隘輕重溷處故特建此以處矜疑者按府志漢魏時縣治在靈隱山麓後徙錢湖門外唐武德間徙錢塘門內宋南渡后徙紀家橋洪武初徙今所

儒學在縣治東南芝松坊二圖中爲先聖廟東西爲陳尊潔豆所爲從祀壇前爲戟門爲櫺星門西

臨河爲宮墻第一流坊東爲儒學門廟後爲明倫堂東西爲進德修業齋又東爲禮門爲土地神祠爲教諭宅堂後爲繼往開來坊爲尊經閣爲祭器庫爲齋宿所爲奎壁堂爲名宦祠鄉賢祠爲觀德圃閣東爲文昌祠敬一亭號舍庖湏爲訓導宅西爲啓聖祠爲訓導宅爲倉庫洪武三年縣令邵復亨建景泰五年按察使陳璇重修魏驥爲記萬厯三年縣令姜召重修陳善爲記二十四年縣令湯沐建文昌閣二十八年縣令陳瑛建第一流坊三十二年縣令朱光祚建尊經閣三層并坊祠閣宅

錢塘縣志 紀制

舍咸移置增建如今式金學曾爲記略曰邑侯江陵朱公雅右文程督博士

諸生月三詣學宮揚扆文藝悉本六經手爲甲乙鉛槧各當其材士斐然鄉風蒸蒸以文學興於是相地于明倫堂後締構五楹輪奐堂皇層樓高廈襟江帶海凌雲干霄人文之觀美備矣閣成將度六經尊藏之并建繼往開來坊奎壁堂名宦祠鄉賢祠觀德圃祭器庫齋宿所及倉庖庖湏等皆極堅麗新神主增祭品筆于癸卯十一月落成於甲辰八月其制悉出侯部署其費皆侯捐金贖鍰繼以中丞直指大夫暨父老子弟委輸三十五年心而樂助者故工集費繁而民不知云

湯重建先師廟及月臺戟門齋宇修葺明倫等堂鑄造殿廡爐瓶加增祭品自爲記曰余觀茲邦於鬻校來其間汗隆之變屯泰之數具在紀乘邇年崇經閣闢宇百廢具舉豈不亦庶幾昭明宣鬯哉惟是夫子妥靈之宮儵迺傾越先是丹堊塗飾固亡恙也而其中蠹蝕已盡飄風疾雨楹棟相失

俎豆尊罍懼將淪壓余小子凜然亟議更新又慮  
故事材具屬賈地埴聽工大都相欺以樗窳乃與  
廉幹之貳悉心擘畫鳩材吳楚必得夫梗梓貞珉  
者而用之總會經費帑緡若干條諸大府僉議允  
諸筮日鳩工為堅永計經費不足佐以斥羨斥羨  
不繼佐以祿人經始幾閱月而報成事宏麗堅緻  
視舊有加焉乃進諸儒生而論之曰自茲以往庶  
保無速朽也乎夫棟楹榱桷是不一材一不備具  
吾知其不能有事也貞碩遐遺櫟樗錯用稿中弗  
卹丹黝相蒙曾未幾時又虞復圯猶之夫不事事  
也吾與汝遊聖人之門學聖人之學真心質行有  
如此庀材矣蓋有事因於壞極其道為蠱蠱之象  
曰君子以振民育德德不畜則民不振是在師帥  
余敢不勉棟宇既成取諸大壯大壯之象曰君子  
以非禮弗履擇地而蹈爰固聖基諸儒士其各競  
競業業有不朽之豎立斯有不朽之聲名人人聖  
人之徒雖隆廟貌于天下可也是舉也發謀建白則  
學博士暨諸弟子員主持綱助則中丞兩御史臺  
藩臬使郡大夫余小子不過過矢心畢力勉盡職事  
而已於是薦藻告成訶泮落之至穆穆魯侯敬明

錢塘縣志

紀制

三

其德余日諸生休矣不日濟濟多士克廣德心乎  
願與二三子交相勗以無忝於壯基之翼為聖門  
光爰紀其有御製祀典碑卧碑科第題名碑學田  
事如左

碑會課碑按府志儒學宋附臨安府學紹興間建

拓址葺廟建學元末

煨洪武初改建今所

祀典附先師廟中奉先師位兩從祀壇臺座計一

依祀典啓聖祠祀先師名宦祠祀刺史白居易李

式製蘇軾縣合羅隱朱躡黃信中鄉賢祠祀范平褚

葉宗行李承式姜召共十二位鄉賢祠祀范平褚

范元瑒褚修褚遂良林逋虞奕吳師仁吳師禮張

九成余古吾衍陳鏞王琦夏時柴車于謙李旻夏

誠吳誠張本洪鍾許綸沈南金高儀陸春秋二仲

溥陳善姚良弼潘頤龍方立陳學易

上丁日縣令率縣佐儒學教諭訓導致祭

屬署 六西溪稅課局

在縣西二十七里西溪市洪武中建成化四年併安溪奉

口稅課司

安溪奉口稅課局

在縣西北五十里洪武中建成后歸併西

溪鎮

河泊所

在縣西北九里古蕩洪武中建

浙江驛

在縣南十里瀕江龍山開

左洪武中建成化中修

龍山閘

在縣南十里瀕江今革

跨浦

壩

在縣東南五里今革

論曰縣之有公署也則令長師帥耳錢塘公署即

不啻令長師帥有遞而臨我者有散出而鞭箠使

我者有虛縣以待軒輶駢集屬我供億者夫是鞭

箠供億秋毫皆民力也縣附府旁宇廨湫隘主者

日不暇給何心念室家斲即安惟是學宮踞省城

錢塘縣志

紀制

四

高勝處下有石崖粵如蓮花臺吳山脈也前後增

葺鼎新于朱公至不佞而大備廟堂閣宅翬翼儼

然鬱為人文植為國楨將有賴焉

公署二

巡撫都察院

在斯如三圖通江橋東嘉靖二十

按察院

在馨如坊鳳山門北元置江南行御巡鹽

察院

在芝松二圖宗陽宮東正統三年

浙江布政使司

在太平坊甸宣大街宋清軍道在

司二督糧道

在司南蛾眉山杭嘉湖分守道在鎮

南舊為巡視公

署稱侍郎府甯紹台道在運司金衢嚴道在清

初為清軍

溫處道在新官橋東割

杭州府

在豐甯坊縣治東竹園山舊在鳳凰山清

軍廳水利廳管糧廳管局廳俱在府

理刑廳萬厓

錢塘縣志

紀制

五

官王蒞改碧蓮公

館為之在縣治西仁和縣治在府治東與本

府儒學

在太平坊仁和縣儒學在府

論曰邑署上有郡署有藩署有撫按署皆得南面

臨我而我不得崑也故第紀地制與文闕焉臬署

在仁和疆例不得紀臨我者實典型我其不紀之

則闕典也其紀之則又崑故紀最著者先朝紀名

曰漢都尉任延太守第五倫吳督護顧眾晉刺史

陳項唐節度韓滉觀察李栖筠李德裕李景讓刺

史宋璟李泌白居易宋制置王淵韓世忠張俊安

撫胡唐老轉運陳堯佐張夏提點陳桷王珏劉燭

胡穎孫子秀陳埴提舉顏師魯羅黠郡守范旻張  
詠薛暎馬亮范仲淹張方平梅摯胡宿祖無擇趙  
忭陳襄蘇頌蘇軾李偃張閣呂頤浩張澄趙子瀟  
李椿李芾 國朝紀略曰督撫則有夏元吉之治  
水周忱之岸海胡宗憲之戡倭趙炳然之兵制張  
佳胤之定亂甘士价之倡道拯溺直指則有荆茂  
之定賦唐鳳儀之變俗張縉之折逆傅鳳翱之清  
南湖龐尙鵬之創條鞭藩伯則有安然之隄江黃  
澤之停徵劉大夏之推誠下察何天衢之長揖大  
鎗劉節顧璘之政學兩優朱裳之裘褐不備參藩

錢塘縣志

紀制

六

則有黃勉之罷貢柳箱青器韓雍之黜貪理冤均  
徭平市臬憲則有周新之決獄如神軒輓楊繼宗  
之一介不取朱欽之忤逆瑾李承勛之賑饑楊瑄  
之築塘劉洪之編隸僧尼吳琳之清醮郭觀之嫉  
惡如仇韓邦奇劉庚之風裁學憲則有吳伯通之  
引拔國士趙寬劉瑞之惇行好古何瑋盛端明之  
育才張悅之去糊名而絕私請汪文盛之賞識神  
駿陸深薛應旂之正體斥浮林雲同林大春之拔  
材屠羲英滕伯輪之興學貞範蘇濬之藻鑒明敏  
郡守則有王興福之輯和草昧楊孟瑛之濬復西

湖梁材之準定糧額留志淑之裁折逆貂婁志德  
之罷傳省饋陳仕賢之瘠已勤民張振之之真率  
不阿吳自新之恬和咸理郡佐則有馬偉之清葺  
岳墓喻均之博亮易輓之廉幹段信之平允功著  
前朝不盡紀功不及邑也功在近時不敢紀其人  
存也人逝矣有紀不紀其事恆也第紀功著論定  
爲邑世世典型者若此

公署三

工部分司

在芝松二圖嘉靖三十六年員外郎李方至奏建又有抽分廠在調露一圖

織造府有二

在太平坊旗纛廟之東西又有織染局在湧金門內

兩浙鹽運司

在太平坊

總兵府

在斯如坊

遊擊府凡二

一在馨如坊吳山里一在西壁坊妙心寺巷內

浙江都司

在布政司西

杭州前衛右衛

在都司左右相向各統伍所前

衛國初名錢塘衛後易右衛又易今名

府屬稅課司

在太平坊俗稱中務

江漲稅課分司

在城北隅一圖

南稅課司

在下隅

勝安倉

在斯如坊

武林驛

在芝松二圖

錢塘縣志

紀制

八

圖陰陽學

在芝松

醫學

在太平坊宋蘇軾守杭置病坊名曰安樂後更名惠民藥

局洪武間因之設八道紀司

在佑聖觀內

論曰權署武署雜署皆有端轄其跡邑人猶之乎

秦越也而署與臨我者埒間館幸舍再倍他邑矣

猶時時闢窳而遲賓客壞垣而納車馬輜軒之集

川至而土木之役日升又如校士有館貢士有院

演武有場及他公署蒞仁和疆者任土木役大都

十五是錢邑散署十他邑而土木被旁邑又加五

焉作勞居逸昔人所為歎也詩曰民亦勞止汔可

小康即導民易使合職耳寧不念勞止者一為康



阜平

錢塘縣志

紀制

九

署餘

書院二 虎林書院在郡城清河坊北元時為平淮  
行庫國朝因之正統間命內臣鎮守改為府嘉靖  
間革鎮守改吳山書院後有大臣以鎮撫至仍居  
其處及新建撫院此名舊府為散署萬厯三十六

年本縣議請撫院改建書院顧憲成撰虎林書院

化地也中丞紫亭甘公自少慕道聞良知之說而  
悅之歲丙午持節來撫浙喜曰生平寤寐於斯慰  
矣既至大修保釐之政興利除弊無不殫厥心大  
指以節愛為本而躬先之一時人心信服翕然風  
動爭竭精白以應比及暮年政大行公喜曰可以  
教矣迺謀於藩臬諸大夫而下暨鄉之衿紳時詣  
天真書院而論學焉已而以是稍局未足以居四  
再詣錢庠尊經閣又以為是稍局未足以居四方

錢塘縣志

紀制

十

之賢也因議改建僉曰莫若舊撫治便公往閱之  
信遂改為虎林書院而屬錢塘合聶侯經紀其事  
始於戊申之十二月至己酉之二月中落成俄而  
公病作且劇侯入問以竣事告公歎曰竟不得與  
諸君共印正如之何尋卒聞者無不流涕十一郡  
二州七十五邑之民咸為罷市侯承公志凡一切  
未卒業者皆次第成之規制大備謂是舉也以維  
世道以淑民風以紹往而覺來宜有記特書見勗  
并述垂革之言丁寧惓切予憮然曰惜哉命也亦  
已焉哉雖然其不已者固自在也蓋子與公業有  
所印正矣追惟去春予過虎林公出晤昭慶寺從  
容謂予曰東林會約祖孔子宗顏曾禰思孟而師  
紫陽不佞讀之契焉行將傲而圖之竊有三言欲  
請予曰願聞之公曰子之言必稱性善允矣然而  
一善也或謂之有而非執著也或謂之無而非斷  
滅也亦各就所見而云耳將焉所置是非於其間  
予曰陽明先生之證道天泉也嘗為之折衷矣四  
無之說接得上根接不得中下根四有之說接得  
中下根接不得上根誠欲通上下而兼接舍性善  
一宗其奚之此即陽明所謂良知也公曰如是如



侯手記中(高舉明賢堂記)我國家尊崇正學闡乾坤於再朗浙當斗婺之分文明著象名賢輩生天啟文成王公揭良知而臻獨詣海內翕然推為正鐸今上採禮官議詔偕河津餘于新會從祀文廟比於濂洛關閩煌煌烈已虎林故有天真祠文成裳衣在焉及門列配半籍四方而浙產諸賢未有同堂合俎秩而祀之者丙午虔南甘公以鎮撫至慨然任以表章乃俞錢塘聶合心湯之請葺天真而新其禴嘗庚卜城內舊府改建虎林書院竣啟前堂署曰明賢將表鄉先輩十一賢尸而祝之俾論學其中者羹墻如在奉為司南乃禮未成而公捐世惜哉善乎公有言曰堂以賢名祀賢也惟賢必祀惟祀必賢浙多賢不必繁祀者何重學故耳仲尼之徒三千而受學身通者多在魯國夫非風雲龍虎各以類應即賢如文成業稱登壇已諸君子前茅後勁皆能恢宏斯道克已則陳恭愍直諒則章文懿篤信則徐橫山透悟則王龍谿清真則錢緒山敦行則季彭山沈毅則陳敬亭體認則唐一菴醇正則許敬菴肩荷則張陽和或先文成啟鑰或後文成衍流雖人殊詣乎彼其物表清風與

錢塘縣志

紀制

十二

古為徒無二轍也昔則分祀諸邑今則合祀一堂祖豆馨香蘭菹並載斌斌不可尚已夫粵無鎔秦無廬秦粵非無鎔也廬也夫人而能為鎔也諸君子率繇越起其秦粵之般倕與學者遡源達詰要一稟於思齊即里開有師資詎必借賢異代哉語曰晞驥之馬亦驥之乘維是敬業樂羣尊所聞而行所知緣會以諮修緣修以證道勗哉人人賢乎奚問宋室即洙泗一脈旦莫遇之嗟乎公言至矣孰意公於諸賢甫為社於地上遽為鄰於地祠克終其事登堂徘徊擬尋盟而昌大之容進曰天下至尊廟祀孔子曷為標門戶於多歧究恐師異說人異宗簧鼓視聽孰從衷焉甘公是役不可為喻魯人之陟岱嶽必先東山吳人之涉滄溟必先震澤其觀法也近則其致力也專海岱高廣豈尋常能為梯航士希賢賢希聖功有差等越士後諸賢而生觀法未遠即欲有事海岱茲固東山震澤也踐跡而行窮源造極化莊嶽之屬矣此甘公意也客悚然莫對三揖而退既退爰屬聶合記其

言於麗牲之石俾修祀事于春秋者世無怠仰止  
諸賢者亦世無怠甘公諱士价字維藩號紫亭江  
西信豐人萬厯丁丑進士陳大綬會約序自陽明  
先生提醒良知之旨其門人王錢諸君子推衍而  
表章之故其教大行超悟者直截曉暢自見本性  
無事旁求即詞章訓詁支離尾瑣而其一言一解  
所微中者亦無能出乎其宗非不欲出道之至者  
不能出也說者稱孔孟之脈續於宋而大明于今  
日信然矣竊怪夫今之學者譚之淵然辯之井然  
即初學小生亦能膚竊其一二語以自文至按其  
底裏行事若兩人焉大遜於國初此璞未剖之時  
處則實學出則實任廉恥鮮而習尚偷則今日之  
所謂明者何居夫良知如家之有主翁也事必稟  
命而行如舟師之有舵也時視之有母敢停瞬故夫  
磨揉薰陶講論習親師取友之功老而不休者  
皆所以透徹此知使其聯絡融貫通乎晝夜以復  
所自有聽其自有而謬以語言光景承接則意識  
者知之賊也非本知也其謬悠悖馳無怪也先生  
良知之詩可三復已不佞綬承上命來視學兩湖  
首謁大中丞甘公公倦倦以正士習為言唯唯罔

錢塘縣志

紀制

三

所承既以一切功令約束之公曰未也此制其外  
於是遍檄東西諸郡條議講學規制而公於武林  
親率縉紳及藩臬郡邑官師弟子講研辯哲者數  
數焉公蓋曰此陽明郡邑先生諸君子之鄉風範未遠  
遺脈可尋天真問難之語恍如耳提於今紹明而  
振起之合學者飫於本根易易耳校士各郡奉  
公意以倡諸郡邑諸郡公又傲白鹿書院之制弟  
子亦漸有蒸蒸嚮往者人情而手自參訂為規條以  
司道郡邑所議酌以人情而後學常奮而無虛所稱  
使可久由此永之無數荷擔此大事者延續不墜  
光闡爾鄉先哲之緒以副公志學事也其提擲  
鼓舞之不倦使規制常新後學常奮而無虛所稱  
道明於今日者則學使有書院有之自中丞甘公  
汝亨藏書樓記虎林未有書院有之自中丞甘公  
始而邑聶侯純中督成之門以內為明賢堂進為  
疑道堂又進為友仁堂堂左右為六館為孝廉博  
士館羣郡邑諸士紳與海內名賢相切劘講習其  
間最後則為藏書樓以貯載籍而屬寓庸黃子為  
記寓庸子曰噫多乎哉多乎哉易不云乎書不盡  
言言不盡意夫繫表之辭多乎哉易不云乎書不盡

神明所貴也故惠子五車中郎萬卷左史能讀中  
壘博極沈酣糟粕漁獵淵藪將以侈富而驚愚也  
非所以疑道而統性也是以莊生貽譏于斲輪程  
子垂誠于玩物浸于書謂之淫痼于書謂之癖二  
三君子尊聞而行知考德而問業可矣為者有常  
知者不言奚書而多藏為彘子進而請曰不  
然書不盡言故繇辭以宣言不盡意故模象而示  
道以人疑文以載道書以載文義不盡意故模象而示  
藝諸史代陳百家攸萃是故以道陰陽以攷政事  
以理性情以肅名義以攝威儀以宣律呂三才之  
精萬物之類皇帝王霸之乘賢否得失之林元會  
世運消息理亂之慮更不有書也其何以識一物  
不知君子所恥寡見豈聞學者所陋舍問學而性  
奚尊焉離博文而禮安措焉故孔壁留而經存周  
藏遺而道演天之未喪文不在茲益神智賁化或  
所從來矣惡得而廢諸寓庸子曰辨哉辨哉去彼  
取此其以明哉雖然張毅內熱單豹外傷為害敵  
也挾筴以遊博塞而逐仁羊等也有陰陽而後易  
有性情而後詩有卑高而後禮六經百氏莫不皆  
然故克己復禮者博文之歸也寬居仁行者聚學

錢塘縣志

紀刻

西

之旨也悟則書為筌蹠迷即書為蔀屋以道通書  
謂之畜德以書博道謂之喪志斯不多之必與神  
理之津筏乎藏珠于淵藏舟于山藏天下于天下  
聖人之所洗心于密賢者之所望崖而反也知乎  
此者藏幾乎聶子正襟拂席而起曰吾師乎吾師  
乎道一而已書實無紀可得而聞一唯斯敢湯也  
不敏願書為記黃子瞿然避座曰惡何敢當何敢  
當抑師蟻以水師馬以途物微而旨喻爰以授之  
副墨證有道焉聶心湯虎林書院始末記明興儒  
道大明其最著者為王文成公公浙產也其後先  
公興者彬彬多理學之士而會城講院未闢四方  
學者至未有寧宇會前撫臺虞南甘公節鎮茲土  
德化誕敷嘉與後進探討文成之學召小子心湯  
同詣勳賢祠羣諸生會講觀者如堵祠故天真書  
院也去城二十里而遙且寡旁舍無居息處已又  
會諸生于城錢塘邑庠尊經閣而地隘弗稱乃卜講  
堂于城中得撫院舊府軒敞開曠于會講居息咸  
宜于是檄藩臬郡邑謀改建焉命心湯拮据其事  
受命兢兢鳩工庀材除舊拓新前為大門樓署曰  
虎林書院中因儀門趾改建明賢堂祀國朝兩浙

理學諸公左右仍為門延以修廊中為凝道堂堂  
後為友仁堂重門洞開可坐數百人以便會講堂  
之左右為門曰左繩曰右準各建三館館各有堂  
有室繚以周垣以待諸士肄習及四方來學者最  
後為藏書樓貯經史語錄諸書堂前兩廊有博士  
孝廉廳會饌延賓所庖滷器用不移而其門之前  
有隙地聽民為屋若干間入租供講習費不足則  
取動賢祠贏租繼之均為講學用無彼此也經始  
戊申嘉平之月落成於己酉春仲木甓黝堊嚴而  
不華秩秩有言言儼然國中四方名碩可以延止郡  
之後學有所依歸眾共快焉無何而甘公病革心  
湯入侍以竣事告公喜且歎曰書院成乃不獲一  
登堂謁明賢及與諸士相質證命也夫始終弗諼  
俾垂永永是在吾子心湯逡巡不敢當而公藩司  
矣是役也相其議者為按臺王公繼臺方公藩司  
洪公陸公臬司吳公陳公王公督學陳公郡大夫  
王公別駕黃公馬公徐公司理孫公巖司暨仁和  
海甯等邑捐俸各有差董其事者心湯也工業告  
竣會今撫臺高公下車首宣風教諏詢故事而申  
飭之益備所未備論者謂明運中天昌安正學值

錢塘縣志

紀制

五

諸大人先生主盟于上都人士不當此域樸會奮  
與于學非夫矣心湯寡昧未嘗學問僅稟上成龜  
勉告成事因紀其顛末勒諸貞珉以詔來者至于  
闡揚宗風則有命世君子在非余小子所敢知也

天真書院

即勳賢祠

聚星公署

在虎林書院後萬麻

留賓館四

一在巡撫院左一在按院後一在

社學十

在芝松二圖在馨如在豐甯舊建皆在南

良二圖

桑九郡王

在北良一圖

以福順

在上隅一

二圖在下隅二圖

青衣道

在柵外二圖

新建

鄉約所

在城者五

東社景隆觀

南社慈雲寺

中社佑

負郭者四

上隅五里下隅三里

包山寺

聖觀

柵外三里葛相公廟

城西二

里萬松公鋪 在鄉者十七 調露十七里正等寺

城北接待寺 三都八里良渚葉

庵 四都四里章村庵 五都五里大雲寺

南五里無淨寺 女北四里溪北章相公廟

都七里東連寺 八下八里八下三圖土地廟

入上六里蔣村廟 欽賢十四里西溪留下常平

倉 履泰七里佛會寺 上扇四里天澤廟

扇五里八角亭 安吉八里慈嚴寺

陳相公廟 定南十里定南

寺 定北五里程相公廟

鋪舍 十七又縣北出武林門外由北郭總鋪北抵

武康縣界為鋪者六曰北新曰板橋曰良犬曰宦

塘曰奉口曰洛瀆西抵餘杭縣界為鋪者三曰觀

音曰蔣公曰老人 北新九鋪為偏僻兵三十名每

縣南出鳳山門迤南為駐節者一曰南關抵富陽

錢塘縣志 紀制

縣界為公館者一曰定南自布政司前總鋪出清

波門南抵富陽縣界為公館者一曰萬松 舊為鋪

圯萬厓五年知縣吳自新重 年久傾

建為館規制整飭仍郵公文 為鋪者六曰洋泮曰

進龍曰范村曰新砂曰瀆橋曰社井自萬松館鋪

東抵蕭山縣界為鋪者一曰浙江 萬松八鋪為衝

每名銀九兩遇閏 要兵四十三名

月加七錢五分 鋪舍臨省會之衝承接繁劇公

館鋪基年久坍塌并有火燬者心湯清理造葺俱

令堅永

庫 一黃冊庫 在府

倉 六便民倉在調露鄉北新橋南河西水次 正統

間巡



道周忱建為兌運處與仁和相對嘉靖末因預備  
寇亂皆崇垣設雉門裹以鐵略如城堡制初合  
倉在城北二圖觀音橋南舊名老人倉洪武初合

歲豐勸義出粟收貯官籍其數遇歉許下戶貸借  
秋成抵斗還官著為令掌以老人故名歲久傾圮

正統間劉正郎廣來浙勸令預備因改今名仍籍  
其入粟之等上之司徒授以職役有差又犯罪自

答久漸傾圮三十二年心湯重建堂厥垣室既堅  
且備原積穀四千餘石本縣每年常平倉四東倉

增八百餘石足待城中緩急之需在松盛

二圖西倉在四都一圖南倉在欽賢十四圖北倉  
在下扇五圖俱係萬麻二十四年湯沐建後東倉

復為倉且增儲穀以固省城根本

養濟院在同安坊為仁和疆本縣建屋四十間在  
內安置孤老與仁和共始宋崇寧元年詔諸路置

### 錢塘縣志

紀制

七

府置安濟院十三年又下錢塘仁和以近城寺院  
充安濟坊籍老幼貧乏不能自存者以常錢米支

給又置慈幼局收養小兒遺棄者元安濟院給錢  
米如宋冬夏加之布國朝洪武五年詔天下郡邑

立孤老院收養如宋元每口月支米三斗柴三十  
斤冬夏布各一疋小口給三分之一後院改今名

七年詔月給分爲四等三十五年詔存恤毋俾失  
所載之律例憲綱合巡按御史督察初兩縣各置

後合爲一萬麻中撫臺溫純移北關外口口年復  
移還此按成化志宋紹興十三年二縣合置安濟

院凡六在寶勝院者一在艮山門外者一在善化  
坊者四清祐七年置慈幼局在樓店務對宋元所

建今皆久廢乃前志特詳故今分  
書于下以識先代建置之意耳

漏澤園 五 在錢塘門外護國寺傍者一在金字牌  
坊之側者一在萬松嶺者二在慶樂園者一在

年詔諸州縣擇高曠不毛地建置漏澤園以瘞暴  
露遺骸紹興間詔臨安府建置其澤尤渥元俗尙

宋崇寧三

浮屠多水火葬國朝洪武三年奉旨禁約令所司擇近城郭寬閒之地立義塚責令收葬天順四年死而無歸者在方家峪梯子嶺下有殿前諸軍瘞所在北寺青芝塢二縣漏澤園十二所今皆不可考矣國朝官于杭眷屬卒不能歸者皆瘞孤山之陰萬厯三十年杭嚴道增置義塚十四畝虞淳熙爲記三十五年府學教授楊元善增置義塚於青芝塢以待諸生之貧者奉學道陳大綬檄勒石道左邑人葛寅亮因慶樂園埋骨已滿別置九曜山地八畝廣其額三十六年心湯查出湮沒義塚共二十一處督令土工搜查暴露骸骨盡行瘞埋嚴諭軍民以後不許投骨水火并不許于慶樂園亂

錢塘縣志 紀制

六

葬以致掘毀舊骼勒石禁約

論曰署有公而實與公府別者曰署餘蓋紀署餘而知王政之備也杭書院故有萬松天真越在山谷不便會肄撫臺甘公屬不佞卽舊府址改創虎林書院聚材鳩工百日竣役海內高賢駢集鄉紳士月有盟會相與談道修業蒸蒸日上倉有預備常平多空廩無儲城內僅常平東倉又廢爲絹局卽有粟將安儲不佞廩廩夙夜恢復無幾而有戊申之水米價湧貴賴以小康邑民貧者親死投之火水富者惑青烏家言涓吉不葬有貯山民家數

十年莫辨孰誰氏者義塚數處纍纍不勝塚當道  
鄉紳各買地廣額前巡道伍公著令山戶貯骼不  
勒令卽葬及火葬者孥其人瀕其居流徙五十里  
不啻斧鉞嚴矣邑人弁髦之陳死人載道焚屍之  
慘薰灼山谷不佞力爲查覈禁止之三者於事若  
賒而俾教養生死俱無憾王道所急故表出之云

壇

社稷壇 在錢塘門外西北宋太乙宮故址洪武三年  
之西為神庫牲房東風雲雷雨山川壇在鳳山門  
為齋宿所南為門 由南入垣之東北為厲壇在錢  
家山繚以周垣門碑亭東南為齋宿所厲壇在錢  
牲房神庫西為南為門 由南入垣之東北為厲壇在錢  
外霍山坊內繚以周垣前為拜亭南為宰牲所東  
南為廳東為門 已上壇及廟宇祠墓之大者皆  
附杭州府祀典  
規制具詳郡志

廟

城隍廟 附府在寶月山宋以前在鳳凰山紹興九  
庶側為儀門又前為廟門神宇 旗纛廟在太平里  
之 後為寢殿東西為齋宿所 俗名伍公廟在吳山之  
洪武三年建都司 忠清廟 椒吳人憐員之忠立祠  
後八年徙今處

錢塘縣志

紀制

三

江上曰胥山廟宋賜額忠清大中祥符五年海潮  
衝激州城詔本川歲春秋祭康定九年守蔣堂重  
建王安石記予觀子胥出死亡逋竄之中以客寄  
之身卒以說吳折不測之際能自慷慨不顧萬死畢  
豈不壯哉及其危疑之際能自慷慨不顧萬死畢  
諫於所事此其志與夫自恕以偷一時之利者異  
也孔子論古之士大夫若管夷吾臧武仲之屬苟  
志於善而有補於當世者咸不廢也然則子胥之  
義又曷可少邪康定二年余過所謂胥山者周行  
廟庭歎吳亡千有餘年事之興壞廢革者不可勝  
數獨子胥之祠不徙不絕何其盛也蓋亦子胥之  
節有以動後世而遺愛尤在吳也後九年樂安蔣  
公為杭使州人而遺愛尤在吳也後九年樂安蔣  
曰烈烈子胥發節窮道遂為世臣奮不圖軀諫合  
謀行隆隆之吳厥發不遂邑都俄墟以智死昏忠  
孰有餘胥山之巔殿屋渠渠千載之祠如祠之初  
庭示後不誣歷朝累封王爵洪武七年入祀典改  
今廟稱號宋王禹偁詩朝驅下越坂夕飲當吳門  
停車訪古跡靄靄林烟昏青山海上來勢若游龍

奔星臨斗牛捲氣與東南吞九折排怒濤壯哉天地  
根落日見海色長風捲浮雲山椒戴遺祠興廢  
今猶存殘香弔木客倒樹哀清猿我來久沈抱重  
此英烈魂嗟呼屬鏤鋒冥爾國士冤峩峩姑蘇臺  
榛棘晚露繁深居麋鹿遊此事誰能論因之毛髮  
豎落葉秋紛紛國朝高啟詩地老天荒霸業空曾  
於青史見遺功鞭屍楚墓生前孝抉目吳門死後  
忠魂壓怒濤翻白浪劍埋冤血起腥風我來無限  
傷心事盡在胥山烟雨中方行詩吳越中分兩岸  
開怒濤千古響奔雷子胥不作忠臣死句踐終非  
霸主材歲月消磨人自老江山壯觀我重  
來鷓夷鐵箭俱安在日斷洪波萬里回 忠烈廟  
俗名岳王廟在棲霞嶺之陽祀宋少保鄂國武穆  
王岳飛宋孝宗時改葬飛于此因即廢智果院為  
褒忠衍福寺以奉祠祀景泰間杭州府同知馬偉  
修飭祠墓請于朝賜春秋祀及今廟額宋葉紹南  
詩萬古知心只老天英雄堪恨亦堪憐如公更緩  
須與死北虜安能入十年漠漠疑塵空偃月堂堂  
遺像在凌烟早知埋骨西湖路學取鳴夷理釣船  
林弓寮詩天意只如此將軍足可傷忠無身報主

錢塘縣志

紀制

三

窵有國封王苔兩樓牆暗花風廟路香沈思百年  
事揮淚灑斜陽趙孟頫詩岳王墳上草離離秋日  
荒涼石獸危南渡君臣輕社稷中原父老望旌旗  
英雄已死嗟何及天下中分遂不支莫向西湖歌  
此曲水光山色不勝悲段吉甫詩義膽忠肝百戰  
軀向堪城社聚妖狐驟聞強虜同鳴鏑已見忠臣  
賜屬鏤賓客有誰曾殉死君王無意復還都棲霞  
嶺畔娟娟月不照凌烟閣上圖高則誠詩莫向中  
州歎黍離英雄生死保安危內庭不下班師詔絕  
漠全收大將旗父子一門甘伏節可憐林清源詩  
支孤臣尚有埋身地二帝遊魂更可悲存介冑何  
二首岳王墳上褒忠寺地老天荒恨尚存介冑何  
堪投獄吏衣冠無復望中原青山能掩葦宏血落  
日空悲蜀帝魂遼鶴不歸人事別吳宮青草又黃  
昏誰收將骨瘞西湖已卜他年必沼吳孤塚有  
人來下馬六陵無樹可棲烏廟堂短計慚嫠婦宇  
宙惟公是丈夫往事重觀如敗局一龕燈火屬浮  
屠吳植詩故國江山幾度秋英雄遺恨只荒邱兩  
宮寂寞金根遠一詔蒼皇赤幟收有子同歸良將  
傳何人為斬佞臣頭至今遺廟西湖上石馬無聲

水自流高啟詩大樹無枝向北風千年遺恨泣英  
雄班師詔已成三殿射虜書猶說兩宮每憶上方  
誰請劍空嗟高廟自藏弓棲霞嶺上今回首不見  
諸陵白露中邱濬詩我聞岳王之墳西湖上至今  
樹枝尚南向草木猶知表蓋臣君乃爾崇奸相  
青衣行酒誰家親十年血戰為誰人忠勛翻見遭  
殺戮胡兒未必能亡秦嗚呼臣飛死臣構再拜從  
無言世忠美檜書夜報四太子臣構再拜從此始  
干謙詩匹馬南來渡浙河汴城宮闕遠嗟寒雨積  
諸將誰降虜負國奸臣主議和黃葉古祠寒雨積  
青山荒塚白雲多如何一別朱仙鎮不見將軍奏  
凱歌王世貞詩落日松杉黯自垂英風蕭瑟動靈  
祠空傳赤帝中興詔自折黃龍大將旗三殿有人  
朝北極六陵無樹對南枝莫將烏喙論句踐烏盡  
弓藏也不悲陳汝言詩荒墳秋樹影蕭蕭只有孤  
僧伴寂寥二帝遊魂歸不得百年枯骨恨難消山  
空永夜愁寒雨江關悲風起暮潮若到錢塘逢故  
老傷心切莫問前朝黃澤詩水落蘇隄見斷橋樓  
霞嶺下駐蘭橈東西兩樹悲風起南落蘇隄見斷  
消古廟殘碑春寂寂臥麟荒塚雨瀟瀟古今多少

錢塘縣志

紀制

三

登臨意半付江雲半海潮陳完詩詔下金牌赤幟  
收百年誰切廟堂憂兩宮夢斷胡天月萬里魂歸  
汴水秋父子有冤埋客土君臣無意復神州羌兒  
共酌平安酒驅馬臨江飲上流屠隆詩東來馬首  
解金鞍西去龍輿望漢宮冰斷黃河旗影滅霜高  
白日鼓聲寒當時部曲傷心過萬古行人掩淚看  
墓木不隨宮樹盡大湖春草路漫漫文璧詞拂拭  
殘碑救飛字依稀堪讀慨當初倚飛何重後來何  
酷果是功成身合死可憐事去人難贖最無辜堪  
恨更堪憐風波獄豈不念中原蹙豈不念徽欽  
辱但微欽既返此身何屬千古休談南渡錯當時  
自怕中原復笑區區一檜亦何能逢其欲飛墓  
在祠右子雲旁附初飛潛塵九曲叢祠孝宗時改  
葬是處墓木皆南向同知馬偉取檜析幹為二植  
墓前各分屍檜正德八年都指揮李隆範銅為檜  
檜妻王氏萬俟高三像反接跪墓前萬麻中杭嚴  
道范恣增張俊像屠隆虞清熙以俊始薦王功在  
杭上書督撫劉元霖道議檜妻裸褻併沈湖中御  
史張景刻盡忠報國霖道議檜妻裸褻併沈湖中御  
四大字于石樹墓南

宋錢塘令朱躡尉曹將金勝祝威皆建炎時死兀  
尤難者消祐間鄭子文記賜廟額曰靈衛景定咸  
消中先後錫封號朱曰顯忠侯金曰忠佐侯祝曰  
忠祐侯元末燬洪武四年正祀典止稱生爵合守  
臣於勝誕辰致祭副使趙寬記略曰惟昔宋室不  
競金胡俶擾完顏之寇直闖臨安事出倉卒人無  
固計守臣棄城而鼠竄敵兵乘勝而獸突林林赤  
子阡危塗炭錢塘合朱公躡慷慨士也愍元元之  
無辜憤封豕之肆毒志激氣揚奮焉揮戈鳩疲茶  
之鄉民衝凶威以赴鬪肉投餒虎蓋所不惜於是  
公之屬尉曹將金公勝祝公威咸負勇烈實同心  
箝編竹葛嶺則羣虜大踣當關西隅則萬夫莫踰  
雖以眾寡不敵相繼傾殞然間閭遁逃咸得爭脫  
蒼生獲全奚翅萬計三君子者誠所謂以一身而  
易一邦之人者也廟在錢塘門外歷歲既久祠廢  
不治錢塘令胡道毅然以營勦為己任仍廟舊墟  
基益厚以崇宇益廣以高有臺有廊有門翼然齋  
宿庖宰之所畢具經始于弘治己未九月畢工於  
明年二月嘉靖間邑人吳鼎縣令王鉞萬厯初縣  
合姜召增修前後殿邑人吳鼎縣令王鉞萬厯初縣

錢塘縣志

紀制

三

祭祀已上皆東平忠靖王廟在秀義坊為唐睢陽  
載祀典者洪武三十年里人吳興修葺祠宋建炎  
二年建國朝公南陽人死節雖陽廟食於彼可也  
鉞為記略曰公能福其民而享其祀者實公忠義塞  
乎宇宙無所不在所以宋元相繼錫號贈諡炳於  
章誥遺芳餘廣惠廟在錢塘門外霍山金華將軍  
烈無間異代將軍曹杲真定人仕吳越為金華  
廟在湧金門內將軍曹杲真定人仕吳越為金華  
浚水池曰湧金嘉澤廟在錢塘門外其神稱錢塘  
民德之立祠嘉澤廟在錢塘門外其神稱錢塘  
王宋乾道寶祐間昭節廟在保安坊後周橋亢陸  
咸消間先後修葺昭節廟在保安坊後周橋亢陸  
宋大祖受禪二人守宣祐門拒弗納既乃自他門  
人二人死之太祖以忠聽本班廟祀南渡後立  
廟吳山民居火顯靈空中三封侯爵昭貺廟在潭水  
民賴以安寶祐景定中三封侯爵昭貺廟在潭水  
宋兵部尚書張夏嘗為兩浙轉運使築隄捍江  
杭人德之立祠國朝成化間工部侍郎李騏來治

潮患禱神而應 梓潼廟 在吳山宋嘉熙間建至惠

即舊址重建 應廟 在吳山至德觀右宋東京士顯功廟 在寶石

宋布衣岳琚建炎中完顏宗弼犯杭 靈惠廟 在孝

州琚力戰死焉郡人請于朝立祠 靈惠廟 在孝

管下墟宋祀謝達謝緒早潦祈禱輒應咸淳中賜

額建廟謝達字明遠晉太傅謝安次子瑑之裔也

徽宗時提舉淮浙避蔡京隱于石門嶺嘗歌靈運

詩云躋險築幽居披雲卧石門乃終身焉沒後忠

靈不泯建炎初金虜犯京都民徬徨一旦聞空中

有金鼓聲見龍舟自上而下旌旗振耀內一旗顯

署謝公之神鄉民賴以無恙因共立廟祀之庚子

歲神預夢於民曰歲當大旱宜先為備四方開井

夏秋旱魃肆虐赤地千里本鄉得井灌田民無饑

色自後祈禱輒應時兩浙路轉運司請於朝咸淳

中勅封廣應侯建廟本里賜額靈惠歲以三月三

日社會謝緒達之孫時金虜外齧謝太后中制於

權奸緒以戚畹故抱恚尤切建望雲亭於金龍山

巔讀書其中甲戌秋霖雨天目山崩水溢臨安溺

錢塘縣志

紀制

雷

死者無算緒乃散家資溥濟之會眾泣曰天日乃

臨安之主山宋其亡矣亡何太后北轅歎曰生不

能圖報朝廷死當奮勇以滅酋臨終作詩自悼立

志平夷尚未酬書訖赴水死水勢洶湧高丈許若

龍鬬狀尸為之不流顏色如生人咸異之元未預

夢于鄉人曰胡虜亂華吾飲恨九泉百餘年今幸

有主越數日黃河北徙其驗也汝輩當歸新君明

年春呂梁之戰吾其助之丙午春黃河果北徙九

月太祖高皇帝取杭州丁未二月傳友德與賊大

戰呂梁見金甲神人空中躍馬橫槊擒虜眾大潰

文皇議海運不便復修漕運凡河流淤壅力能開

靖中奉勅建廟魚臺縣隆慶中遣兵關王廟一在

門重城內一在城北隅一圖一在跨虹橋北一白

在佑聖觀內一在靈應觀側一移在雲居庵前

馬廟 在馨如坊壽域巷左舊志名護國天王堂世

穀水神廟 在寶月山祀水德神其上為龍神祠萬

神 在寶月山祀水德神其上為龍神祠萬濟火



患廟中有華光廟在華光巷西新橋祀五天澤廟

金龍泉在沙灘記履泰將軍孫顯忠吳越時名將宋建

廟封天澤萬麻癸未郡守張振之禱兩有應拓地

沙灘去郭十五里許地故僻不屬通衢而廟隘僅

僅數椽日張公始撤而新之廟之址幾不盈畝

而禮者爭言廟傍桑柘地故盡屬將軍陰蝕于里中

議者爭言廟傍桑柘地故盡屬將軍陰蝕于里中

之黠者而削其籍莫可究詰第下從事覆按之即

不煩帑帑藏立可致公謂妥神計安百姓耳而乃更

擾之乎拒聽第昂其直以市卒之民內德公而

引而臨衢門兩楹中為殿奉將軍像殿四楹益弘

以做後為寢奉將軍夫人像寢亦四楹而制稍縮

不逮殿者什之二門以內築甬屬之殿及寢亦如

之夾甬而淵然于殿之左者為井徹大旱不涸置

亭翼其上負門而屹然于井之前者為臺以禱雨

豎刹杆其上緣神意也寢之後為池宵然幽以深

將軍故以天澤侯封地所以象澤從陰氣也迤殿

錢塘縣志

紀制

三

而東為僧房以棲守廟緇流隙地為蔬圃間樹以

竹繚以周垣既壯且麗廟新矣人人知有將軍易

觀聽而禮祀之矣廟所以新者何先是夏六月不

雨愆為政蓋江以南被之矣公日相率大僚朝上

帝虔禱之越三日雨四之日復霽越五日雨六之

日復霽輒雨輒霽潤不酬爨一夕神降于乩亟稱

為孫將軍云其示禱雨所嚮日吾助若雨若新吾

廟且推公為長者而自敘其隱泯狀倏忽數十百

言纍纍不絕類生人語公大驚詢左右莫有識孫

將軍者稽往牒而信公走視其廟則將軍固嘗以

禱雨顯宋嘉熙間勅封為護國天澤侯從來久遠

矣公益大駭效將軍指徧禱之車未入郭門而甘

澍隨之矣一雨三日隴畝盡霑足視旁郡猶然枯

樛聲未息歲不為因而杭用以安遠邇大謹公始

請於監司發贖鍰新將軍廟謂神實庇我而忍負

之哉五閱月而廟成下不知公復為申著祀典每

歲以夏秋二仲月檄丞簿尉一人躬詣廟致祭為

百姓祈穀合毋旱而祭品亦且有成式不豐不儉

無匱吾祀耳矣頃薦紳三老將謁於公立石廟中

以詔來茲而屬記於余余不佞為述其大端如此

小城隍廟

在保安坊里人奉為士穀神

馬塔廟

在溜水橋世傳馬姓二人東西

居共為園田之墟故名元羽士張伯雨常寄寓此

萬厓三十八年重葺屠隆記城北有隅曰馬塔句

曲外史稱為散花灘處乾德間僧雪嚴建歲豐禪

院治平改寶覺豐樂寺後為劫灰僅存維武二王

祠概而名之馬塔廟以虔士穀香火其基亦盈畝

而止名山沒為荒草寶幢華蓋之謂何乎及考二

王為馬公雄馬公武有忠謀于宋而七尺同湛里

氓婦豎無不稱說二王云而宇亦將傾主僧寂學

計其傾也復念道場未勝壬寅歲罄鉢拈社賴茲

諸父老喜襄成之也擴其畝者三庀工治材為營

豐樂古刹且金表岳岳備盡莊嚴尋葺兩王廟一

時竝新淒涼荒郊今日鐘磬參響于是焉虔其香

火者瞻拜兩公則懍負忠誼進禮三寶則皈依正

法豔耕畝之奇蹤證果位於大覺黍稷與與原埜

械械永鎮方隅長鳴佛福不乃在斯乎蓋諸父老

主僧重新新意也廟貌既顏禪地既闢不可以不記

橐筆記之張伯雨新居詩浮家泛室意何如玉室

金堂計未疎歸錦橋邊停舫子散花灘上作樓居

錢塘縣志

紀制

三

澹然到處自鑿井玄晏閉門方著書東安濟廟在

但得草堂贊便足人間何地不樵漁宋比勝將軍

坡街祀宋司封郎中張夏比勝廟祀宋沈氏施宅

俗名祖廟又名太平院清祐橋西祀東

拓崇善廟在在北良一圖清項食邑錢塘

祠

旌德祠在保安坊內祀先賢陶唐處士許由吳行

海太守范平中尉褚陶處士孫晷宋龍驤將軍卜

天與處士范叔齊處士褚伯玉處士顧歡處士

杜京產梁處士范元琰參軍記室褚修唐中書令

褚遂良禮部尚書褚無量睢陽太守許遠平原太

守顏真卿山南東道從事章成緬吳越武肅王錢

鏐忠懿王錢俶宋禮部侍郎簡知諫院唐介處

士林逋知制誥謝絳知諫院錢彥遠大中大夫錢

藻翰林學士沈邁龍圖閣直學士陸訖翰林學士

錢勰杭州儒學教授吳師仁龍圖閣學士虞奕直

祕閣吳師禮文學崔貢龍圖閣直學士滕茂實丞

相李綱太師崇國公張九成太尉岳飛處士施德  
操刑部侍郎楊由義將作監李執處士楊璿處士  
余古丞相李宗勉吏部侍郎俞烈權刑部尚書趙  
汝談龍圖學士葉時端明殿學士洪咨夔處士朱  
清處士謝翱元處士吾衍總管府推官楊載宗晦  
書院山長陳斗龍百戶鄒世文國朝處士張翱禮  
部主事陳鏞按察僉事王琦兵部尚書于謙大理  
寺卿夏時正刑部郎中項麒孝子孟春參政鄒虞  
長史施魯兵部尚書胡世寧太僕卿邵銳訓導陳  
荆獻嘉魚知縣李璣衡禮部員外江耀布政使許  
應元給事中許貫之御史童漢臣吏部尚書張瀚  
廣平知府翁相御史張椿布政使陳善大學士高  
儀提學僉事江圻府同知朱璣按察副使錢立都  
御史鍾化民共八十八人先是祠在西湖蘇堤名先  
賢堂宋寶慶二年京尹袁韶奏建許由而下三十  
人明年詔易其額曰旌德觀後徒今處國朝成化  
間參政張寰僉事李懋增祀吳師仁而下二十三  
人隆慶末御史謝廷傑萬麻中副使范涑洪啟睿  
先后增祀于謙而下二十五人又追祀伍員而下  
九人三十四年心湯建表貞祠于先賢祠後祀女

錢塘縣志

紀制

三

貞晉孫氏虞氏唐馮孝女何氏宋盛氏謹氏元姚  
氏朱氏李氏明王氏胡義姑凡十一人又上記鹽  
臺左宗郢益以漢曹娥晉浣沙女宋銀瓶女元王  
氏郭氏陳孝女翁氏朵那女明楊氏魏氏陳氏顧  
氏陳氏十三人通二十四人旌德之祠袁守韶請祀  
睿記宋寶慶二年臨安考旌德之祠陶朝成化而夏  
其鄉之先詰中燬于兵蕪弗治迨國朝成化而夏  
廷尉復之先詰中燬于兵蕪弗治迨國朝成化而夏  
代祀許箕公訖鍾御史大夫合八十一人而十一合  
女者以別嫌徹位昭舊典也祠故乏人而十一合  
之孫子儀用缺焉學使者洪子啟睿聞而拮擊曰  
奈何當吾世而匱賢者祀是後死責也亟命諸生  
李唐等之請給學田二十畝充芹藻費歲遣博士  
一人董祀事而茲八十賢者始秩俎豆祠春秋世  
世血食無既矣令既具祠劃然改觀而李生唐者  
復采袁守以來所為諸賢之傳若贊汰猥葺漏乞  
侍御顧公鈞加刪潤焉題之曰旌德祠志思也  
編摩告竣殺青未就余為從史以授劄於士  
行垂炳于汗青女貞有煒乎彤管一時薦紳學士  
以及間左之氓欣逢曠典不翅披雲霧而睹青天

矣因是盱衡擊節歎清風之可師而緇衣之好合  
符乎今昔也夫茲八十賢者或標里德或稱寓公  
或志抗烟霞或身負日月世數不相及也音容聲  
跡杳不相聞也而一旦儼然同堂而食接席而饗  
流景光於竹素裕慶澤於來昆豈非人心公論久  
而大明而芳軌遐踪有曠百代而相感者耶詩曰  
高山仰止景行行止書曰無念爾祖聿修厥德爾  
諸士亦既生其鄉而稱其後人矣儻亦有仰高而  
念祖者乎斗山之望近踵枌榆弓冶之承遠追家  
法異日者列太堂禮瞽宗人按籍而名曰夫夫某  
之鄉人而某某之苗裔也其于先錄不永有光哉  
不然而徒繡縹緗飾筵几為子孫干澤計負薪弗  
克積閭墮焉是委尸祝於芻狗棄筆乘於土苴也  
寧獨里社之玷抑亦余司教者之恥矣余於諸士  
道兼友師誼用忠告敬述詩書所忠節祠在方家  
閭以為諸士規爾諸士慎聽之哉忠節祠在方家  
贈祕閣修撰謚忠節徐應鑣鑣以德祐二年死後  
十年同舍生劉汝鈞收葬于此正德元年賜祭表  
墓錫祠額萬厯四年拓之呂本記略曰錢塘忠節  
祠祀宋大學士贈祕閣修撰謚忠節江山徐公應

錢塘縣志 紀制

天

鑣字巨翁及其子琦崧女元娘者也公墓在方家  
峪建祠錫額有司致祭則自弘治乙丑始正德丙  
子梁公材萬厯丙子姜君召亟圖葺治追惟元兵  
壓境三宮北轅維時擁旄握樞之臣匍匐左袵巨  
翁太學生耳無一命之榮無專城之寄乃毅然不  
辱犬羊盟諸武穆闔門自焚幸其僕救而出之山  
潛谷遜伊誰咎哉彼其心則以居王之土為王之  
臣而主辱臣死之義確乎不可易者率其子女俱  
死井中是誠得死所矣自建祠以至今日多歷年  
所矣而新祠者一見于梁公再見于王公曠世之  
盛典而褒忠祠在學宮東改清軍公館為之祀國朝  
也方孝孺副使程本立都御史陳性善太常少卿盧  
元質左拾遺戴德彝都給事龔泰侍郎卓敬盧迥  
長史劉璟知縣鄭恕吏目鄭華御史鄭公智僉事  
林嘉猷萬厯二年御史蕭廩奏建呂本為記略曰  
皇上御極之初覃恩海寓首詔革除被罪諸臣忠  
於所事甘蹈刑戮有死無二者有司建祠致祭其  
墳墓苗裔厚加錫錄於是侍御蕭君廩按檄所司  
籍記覈實在海甯則有文學博士方孝孺以不草

詔磔於市親族悉坐死太常少卿盧原質以召見  
不屈死在瑞安則有左拾遺戴德彝以不屈就縛長  
死在奉化則有侍郎盧迥以不屈就縛長謳死在仙居  
縣鄭恕城守死籍其家二女亦死山陰則有都御  
史陳性善以督陣朝服躍入河死黃巖則有翰林  
修撰王叔英募兵聞變自經死妻獄死二女并死  
在青田則有谷府長史劉璟抗言辨髮自經死在  
桐鄉則有江西副使程本立聞難經死在義烏則  
有都給事中龔泰被執已釋投城下死在臨海則  
有東平州吏目鄭華城守不食死此十二人者俱  
所謂忠於所事有死無二者也至如羽忠翊義則  
甯海御史鄭公智僉事林加猷以方黨旌功祠在  
論死斯皆兩浙之產正氣攸鍾者也  
台山祀兵部尚書忠肅公于謙張甯為記略曰皇  
上紀元弘治之初仰體先朝德意俯從致仕應天  
府尹于冕所請贈故少保兼兵部尚書于謙特進  
光祿大夫柱國太傅賜諡肅愍表祠曰旌功命有  
司春秋致祭越惟自昔人臣才高任重功大冤極  
勞生於艱危罔死於平治肅愍公百世一人重華

錢塘縣志

紀制

元

協德反正除邪彰不賞之功辨切膚之譖我聖朝  
千古一時也事之始末詳實有諭祭文國史傳旌  
功錄天下士大夫弔慰之作亦既顯赫流傳無煩  
衍述矣竊念公平生憂勤中外遺致身家已巳之  
變誓死殉國守經行權施無弗濟揆其要切莫重  
于掖留監國斥沮南遷燒散芻糧閉關出敵決迂  
回鑿堅絕和議計徙寓虜不援虛報八者皆當時  
樞機關鍵一得失則廢興所繫少遲速則安危相  
倚惟公材器絕倫識度超越隱然以大司馬兼統  
五卿之務動無牽制處斷如流用坐卻強胡莫安  
社稷及邊警解嚴六職仍舊更張建定各有專屬  
而所司類以僉謀逐事託公鎮重不知者固宜責  
備於公公亦未嘗自辯顧以久總兵柄監往虞來  
過于嚴峻一時貪功習矯如石亨徐有貞輩置不  
能行禁不得肆恣雖積怨伺甘心于公者殆非一  
人公亦未嘗自恤夫責不辯則疑謗易乘怨不恤  
則禍難陰蓄卒致彼投變于安動險于順媒孽附  
會誣公欲立外藩構陷殊死事及公猶舉止安詳  
略無餘言申解蓋自任患以來常奉懸宋丞相文  
山畫像于卧所其志念明遠操履堅定雖萬不幸

當亦無所移奪矣未幾亨輩脅權肆姦竄極相踵  
天道好還刑賞類應而公之忠枉夙荷知憐者今  
皆顯被褒卹一命而復官再命而錫祀三命而有  
易名贈秩建祠專祀之典意肇于英皇事舉于憲  
聖恩廣于一皇上于崇德報功之間見繼志述事之  
大非特一家之慶幸也宣故曰千古一時百世一  
人宜府尹君服膺競惕汲汲圖以俟首邱于祠墓  
之倚可謂忠孝無忝矣嗚乎至哉萬厯三十口年  
改詔忠肅論祭邵寶詩祠前春霧隱緋袍隔岸松  
聲應海濤伯紀空勤恢復計子儀還重廓清勞我  
陳薄奠聊三獻誰作長歌當一號西望岳墳纔數  
里白雲湖上兩峰高墓在祠後成化初奉勅營  
建王世貞詩正統逢今歲胡塵日暫蒙乾坤三已  
已社稷一于公不作青衣辱依然黃屋崇祠連賜  
塚地石馬汗秋風傳瀚詩畫舫西湖午不移偶來  
祠下見風儀功高社稷危疑地恩重春秋享祀時  
遺像比生猶有氣前因欲說便成悲傳芳賴有賢  
京兆風木淒然起孝思陸可教詩三台山麓西湖  
渚灌木積垣泣風雨萬載乾坤自帝基一方伏膺  
還祠宇我來掘衣仍再拜彷彿英魂對樽俎惜公

錢塘縣志

紀制

三

有生何不辰百六皇圖遘壬午旄頭寒芒割霄漢  
九塞羶風逐狂虜紫極星移天動搖十萬團營擁  
豺虎坐看黃屋竟蒙塵猛士如雲色摧沮公時慷  
慨倡雄圖社稷蒼生今有主爨瘡灑血氣百倍頓  
使寰區盡安堵逆酋悔罪日馭迴二聖重權民忭  
舞嗟吁此功同再造晉宋貽謀堪覆覩詎意功高  
反殺身蠅口乘時爭噉咀至今百年公論定累錫  
重封襲珪組向來鼠輩太狎獍轉眼身家膏鼎釜  
公神在天固無恙擁護皇圖尚終古咫尺孤山雲  
樹連不見遺祠岳忠武若能無事三方談勦撫甘  
身未言苦只今戎狄盡解辦無事三方談勦撫甘  
載邊關久息烽漆室懷憂同魯女廟堂籌算豈無  
人幃幃如公堪指數幸哉金甌方永固厚德深仁  
有宗祖搔首無言仰視天有淚滴公祠下土虞舜  
卿重陽謁廟詩九日商飈吹帽落尊翻苜亂舟難  
泊登高直上三台山中荒祠壘漠漢云是于公  
墳秋聲轉蕭索記得先皇已巳年數遭陽九邊風  
惡而今已巳九日風茱萸滿泛雞豚樂膚首虛傳  
據兩川彗星空掃華蓋前爲問何因制西虜卻說  
當年平也先不數清風店前石不怨麗春宮裏天

只歌驚鷺冰上走那愁旌旆雨中懸皇天生公為  
陽九總角宮商應心口出語時侵蘭古春偷桃不  
怕西王母競談叩戶解分胎又道當壚能變酒傳  
奇久著稗官書宗功更列名臣首雄辨轅門服漢  
王清聲滿路冠諸郎自供薇蕨漸淇水肯餽蓴菇  
辱帝鄉名入九重出不得氣橫六合死難亡杯中  
竹瀝病空起帑內金符謗漸長土木荒荒悲玉步  
百官絕走無歸路外典兵漢兒屢勝胡兒負且日重  
霞墓內坐團營外典兵漢兒屢勝胡兒負且日重  
扶再上天寒星誰料飛如雨景皇憑几且臨軒太  
上鳴鐘已奪門躍起向疑公竟立迎來邪得弟歸  
藩易儲敢道前王過成事難明後死冤燕雲灑血  
招魂葬大鳥驚嘯日月昏借得蘭閨雙目炯倏來  
楓陛一存君不見南孫討虜九鯉城干忠肅陞  
間不著狐狸伏女墻無復腥羶撲九鯉城干忠肅陞  
占千秋玉厓憑祠祝此日誰裸陽九災小臣再拜  
登塵牘徐桂詩皇輿朝覆夕登陣獨危任金湯誓虎  
罷敢謂君猶輕社稷祇緣身自繫安危論國是昭垂  
開重暈黃道何因觀載曦漫向賢奸論國是昭垂  
天語在豐碑朱長春祈夢詩庶殿南屏下陰陰少

錢塘縣志

紀制

三

保祠孤忠荒隴在萬木夜風吹假夢留齋勳賢祠  
宿招魂有賦詩從來感憤意拜罷不勝悲  
善名天眞精舍在天龍寺之左祀王文成公守仁  
嘉靖九年門人薛侃等建萬厓初毀天書院佃  
為民業十一年都御史蕭廩奏復之賜額曰勳賢  
春秋致祭以徐愛黃元亨薛祝鄒守益歐陽德王  
良王臣劉魁錢德洪王畿蕭廩陳善配享祠前有  
宋籍田太極亭先是廩聘陳善主教修復祠宇鳩  
置祀田纂刻祠志久之權歸學職漸至蠹蝕祠亦  
頽圯心湯重建太極亭補刻陽明全書清理租稅  
歸縣祭祀之外餘羨以供諸生講學之費永為定  
規陶望齡記曰道之不明于天下也事事而道  
也事事則道妨道道則事妨道于是有去有就  
有伸有屈賓實擯虛交瑜而迭勝不知事者道之  
事道者事之道道之外必無事事之外必無道譬  
諸鏡然照即其物物即其照萬機竝應照者故虛  
微澹泊所照故實不可二也是道也堯謂之中孔  
謂之仁至陽明王生揭之以中而不知皆謂中已  
也仁也心之微稱乎詔之以中而不知皆謂中已  
之以仁而不識何謂仁故先生不得已標之曰良

知良知者心之圖繪也猶不識火而曰炎也不識水而曰溼也體用內外理事道器精粗微顯皆舉之矣堯舜之所以君伊傅且奭之所以臣率相與講明之授時敷治陳訓矢誥其講義也明廷位著其講肆也荃宰長貳其人周衰教失而道事始裂夫子傷之故曰與吾託諸空言不如見諸行事之深切著明又曰吾無行而不與二三子以道之即事也後世豪傑之士驚于功利不復聞道而二三言道者率剖同析異不能疏觀于會通蓋世運關而後真儒興于憂患難貞之際其道以不學不慮為宗故于變萬容而常虛以格物為用故寥焉無一事而常實明此之謂道德抒此之謂詞章舉而措之天下之民之謂事業其施于用也逢比讓節左史讓文管葛讓政讓讓宜讓兵而其原至簡也至易也排難匡朝定至芬濟甚險而皆日用飲食之常也文告雜深毀鈴呼吸而皆深切著明之教也所明即所行所虛靜即所用是儒者闕疎無用之誦與理學家虛靜寂不可成務定業之疑先

錢塘縣志

紀制

三

之途至是昭然合為一轍愚嘗論古今道統唐虞而君殷周而相春秋而韋布渙解陵遲更數千歲而天乃以濂洛還孔顏姚江還伊周非妄說也先生之教既大行海內其聚徒築舍以講明其義也徧于江之西南武林天真精舍則其生平游而樂之既沒門弟子相與追祀者也萬曆已卯當事者不悅學例毀天下書院天真在毀中後六歲甲申詔還所書院宜復者浙撫臣萬安蕭公廩以天真請朝論遣之更精舍曰祠賜今額于是廢垣復堵撤材復棟原田悉還俎豆如禮而先生之道彌用光耀當柄臣用事其初指欲以繼游談崇實事而其弊至師用申商翦棄道德蓋學之不講教之不明道道而事事惑其兩歧而迷其本也天子曠然改轍宣需德音錫號勳賢兼總德業炳然明示萬世以昭揭兩言而朝廷報功崇德彰教淑人之微之旨昭揭兩言而朝廷報功崇德彰教淑人之典亦竝行不悖於戲盛矣祠復亡何壩瓦穿敗丹堊剝蝕積且頽圯侍御史軒江左公於先生在私淑之列丙午來視澁兩浙顧瞻廟貌如痾在躬會新淦聶君令錢塘亦夙聞微言竝肩廢緒同德協



力相與謀飭新之以丁未三月鳩匠事五月竣工  
港漫陵夷成就完明凡用齋院羨緩若干兩視事  
董成皆聶君也以精舍中故有先生集版多散軼  
君悉購諸民間補其殘缺遂為全書先是祠前八  
卦田之中有亭曰太極燬于火至是復建凡侍御  
公經畫所未逮聶君咸用貲力究成厥功以還舊  
物蓋王薛歐鄒厥績始肇繼而興復葺新其人皆  
江右之產也先生功業教化於斯獨盛抑何豫章  
之多君子乎書曰若作室底法乃弗肯構事難于  
弗尊弗行口蹈意涉俾師說弗廢學舍足處上足  
瞻而鼓篋之堂鞠為茂草以忘筆造中興者之勞  
田穀充羨數歲所積足以飭棟榭除宮庭而寘不  
問坐待頽壞數者皆吾儕後來者之恥也詩曰吁  
嗟乎不承權輿尚念權輿哉王守仁西安道中寄  
門人詩二首幾度西安道江聲暮雨時機關鷓鴣  
破踪迹小雲疑仗鉞非吾事傳經愧爾師天眞泉  
石秀新有鹿門期不踏天眞路依稀二十年石  
門深竹逕蒼峽瀉雲泉泮壁環胥海龜疇見宋田  
文明原有象卜築豈無緣湛若水訪陽明先生天

錢塘縣志

紀制

三

真精舍詩迢迢訪天眞歷歷登高堂灑落南高峰  
睥睨臨錢塘地位高且深如道不可量哲人久已  
逝山水空遺光龜疇列方位顯設天文章平生未  
一試千載以莫心香王世貞詩杖策尋幽巖叩祠  
荐清蘋木落羣姿盡爛然見天眞輕風飄鬢眉蕭  
蕭若有神三字扶靈機萬古意忽新六經遂糟粕  
千聖失經綸媚川在懷中舍楫問鮫人笑彼愚公  
山老昧襄成津重恐魚目多冥然驕自珍所以老  
氏歎聖作大道湮下學而上達吾意書諸紳錢德  
洪詩雲埋五嶺路悠悠慈海上羅浮入夢愁山月  
涼歸鶴夜霜風颯瑟候猿秋百年著述圖書在于  
載經綸草跡留忍伐祠前蒼峽樹春秋配食荐晨  
羞許字遠詩天真遙接五雲山杖策登臨霄漢間  
杏靄煙波迷海國分明身在隔塵寰德星况是東  
南聚元氣應知五百還指點湖山無限意不妨風  
雨下忠烈祠陣亡陳善道吳懋宣滿朝采煉馬呈  
江關忠烈祠陣亡陳善道吳懋宣滿朝采煉馬呈  
圖俞亨俱指揮王繼隆千戶康綬楊臣王相姚岑  
呂鳳姜楫俞亨陳爵陳表俱百戶張儒總旗喬登

典史喬仲厚 褒忠祠 在棲霞嶺東祀遊擊宗禮指  
張泉俱巡檢 憲請于朝 忠節祠 在寶月山  
三十七年總督胡宗憲請于朝 忠節祠 在寶月山  
達祠 以上皆載在祀典者 御史周汝員傳鳳翔建  
有司歲祀以仲秋之望 吳鼎記略曰初弘治十載  
巡撫部使者舒城姚公建忠節坊于杭以表吳公  
人伍公唐僕射緒公宋岳武穆王我明于肅愍公  
周公曰國家以忠義勸士而士節不立其諸宣揚  
導化之責乎余實忝竊其官 滅賢大夫之烈不  
述墮先正所建余甚懼焉 乃營作忠節祠經始嘉  
靖十有六年冬十月越明年夏且落成周公去代  
者應山傅公飭有司歲以仲秋之望合享又明年  
滇南高公來按釐政歎是舉激揚甚大而未有紀  
述亟圖之相與問于鼎或曰何祠乎伍公節曰祠人  
臣以忠而被禍者也然則何賢乎伍公可謂  
竭忠所事矣何賢乎岳公可謂主辱臣死之矣何  
賢乎岳公可謂安社稷為悅矣舍四公無死忠者乎  
公于公可謂安社稷為悅矣或生于斯或歿于斯者乎  
日有有則何祠乎四公或或

錢塘縣志

紀制

書

然四祠載在合甲復祠不近躡乎曰秩祀古今同  
德合義益廣風勸春秋與賢者不一而足意也惡  
乎躡惡 兩淞名賢祠 在西湖孤山之陽祀漢嚴光  
乎祖謙 張九成楊簡國朝陸贄宋濂王琦章懋陳選皆  
浙產也隆慶六年巡按御史謝廷傑即陸宣公舊  
祠改祀徙宣公像于祠前恩綸閣陳洪濛記略曰  
自昔兩浙名賢以德以祠前功與春秋祀載在常典者  
亦略備矣然皆角立鼎峙各崇於鄉願未有包扶  
眾美撮其英標羣然俎豆于一堂者也隆慶壬申  
屬侍御豫章胡峰謝公來按茲壤秉憲輯文仁經  
義緯百度既飭禮教聿崇乃於觀風之講詳覈省  
志尚論先哲於漢得一一人焉曰嚴子陵於唐得一  
人焉曰陸敬輿宋得一六人焉曰張子韶曰楊敬仲於皇明  
曰王龜齡曰呂伯恭曰張子韶曰楊敬仲曰趙閻道  
得四人焉曰宋景濂曰王文璉曰章德懋曰陳仕  
賢爰即西湖之陽宣公舊祠增立几筵等其世次  
為祀之不以爵舉者示崇德也標其姓字仍曰先  
生者示後學知所宗也祠有山田蕩若干有司領  
之歲時供祀不以煩民者欲其人也于是浙土之

高節懿美者莫不萃于茲堂四方遊士與鄉之縉紳末學凡欲仰止高山景行先哲咸于茲與矚焉  
四賢祠在孤山之陽祀唐李泌白樂天宋林逋蘇公因名三賢堂國朝天順間知府胡濬復建正德初知府楊孟瑛增祀李鄴侯祀以春秋瑛自為記略曰孟瑛守杭郡三年見三賢祠棟撓榑壞懼神之不棲而羞吏之不恭也竊惟逋仙風節山崇湖深名教攸係白文公蘇東坡皆杭賢守石函一封時世時鍾葑洲既闕于頃一碧兩邑之田殘溝斷流莫匪遺澤民到于今賴之堂庶弗飭臍蠻弗嚴何以格神明昭崇報耶又惟唐鄴侯李公必亦嘗刺是州穿六井引湖波民始不食饑苦雖功不在湖而更稱四賢祠之靈人公蘇公埒曷作新廟合而祀永有依歸矣遂具其事乃發帑鼎作之堂為楹閒者三梁棟旋楹悉以栴四隅之楹以石棖稱是門廡皆撤朽腐更用飭新漆丹堊黝甚麗以法斂賸材作思賢堂于祠西繚垣四周直湖啟門榜曰四賢且籍廢寺田地六十畝畀守者共歲事仰惟

錢塘縣志

紀制

三

三公治杭事有美蹟人有遺愛率應祭法六井一湖才一事耳然杭人祠文公必于孤山祠鄴侯必於湧金北城祠東坡必於湖堤鎖瀾之橋豈政以時易易則不傳愛與澤流故終不可緩也今孤山之祠蓋北城湖橋既廢故因文公之舊而合食于是至于推祀通仙則宋泰定間即有之蓋義起也  
錢王祠在湧金門外故名表忠觀在龍山陽祀宏佐忠遜王安侏忠懿王宏傲熙寧開蘇軾為記元時毀于兵燹嘉靖三十九年督撫胡宗憲巡按周斯盛以靈芝寺地改建寺錢王故苑也仍舊額曰表忠春秋致祭陳柯記予少讀蘇子瞻表忠觀碑文乃慨錢氏於吳越之民其德厚矣乎當羣盜倡禍中原無主十六國之君各拓疆宇自據其為民之心尚未辨也及中原易姓則隨時納款天命既一則籍士歸王其心不忍殺戮其民挈之水火之中使嬉遊於富完安樂之鄉且時歷百年位傳三世而終始之心如一民而人其視諸國各一時僭據以抗王師雖糜爛其民而不顧者其為德何如也始予繆守茲土先是倭夷孔棘督撫梅林胡公



斗級燧法既敝盜取公行嚴設邏卒責以捕獲月  
凡二比鞭撻淋漓不如格者有罰謂之日應捕茲  
數役者常以百供一服穡之家偶往斯役畜產立  
盡往予見良農勤苦食僅有田廬不一二年閒蕩  
覆靡遺則以是役故南海龐公才具英特幹局精  
敏繡斧所指墨吏望風解綬豪強屏迹當按部時  
進三老具言困苦公檄所屬與之圖議咸云耳房  
舖陳可省其應捕斗級暨諸均斂于民在豪大家  
當以籍籍之即于歲賦所徵均斂于民在豪大家  
無得脫免而民不重困庶貴賤同役號日均平冊  
議定即日牒諸司施行仍疏于朝請著為合報曰  
可乃立石遵守益公所建即宋人顧役遺意而抑  
橫征寬民力其德于浙人甚鉅今去浙二十餘年  
而歌思彌切專祀于西湖之陽昔吏浙得祀者李  
郭侯白文公蘇文忠三人而已郭侯以井白蘇以  
湖公造福閭左功德豈上謝三君子哉公名尙鵬  
字少南廣東南海人嘉靖癸丑進士祠右有王阮  
陳二公生祠乃撫院王汝訓按院彭應參也  
公祠額在武林門外祀都御史阮鶚扁李公祠在錢  
錢塘縣志紀制

墓

晉抱樸子墓 在葛嶺  
杜子恭墓 在北郭南齊孔稚  
寶雲寺

舟中遙拜之

唐許玫許現墓 在天竺莊雞籠  
杜牧墓 在杜馮孝

女墓 孝女北鄉報恩  
孝女醜娘墓 孝女南鄉馬三寶墓

郡成化都志前軍教場墓在九里松行春橋水竹  
隴宋紹興末欲去之以廣教場方舉鋪有黑蜂數

百出墓中不可近是夜帥夢一峩冠朱衣者告曰  
吾錢王之子葬此已久祈弗毀詰朝本軍申遂輟  
役元至元十五年軍厠名狗兒者掘發之得鐵券  
一題曰雁門馬氏葬橫衝橋至元十五五六狗兒壞  
我屋其定數如此夫鐵券所云馬氏似與俗呼馬  
三寶墓相符而又謂之錢王之子未知是否無從  
攻訂也 太尉開府儀同三司正顯薛公墓 在靈  
孫昂宋尙書左丞墓 在山北天 給事羅隱墓 在定  
居山 里 妙法院 山鄉

宋直祕閣知州南府錢和墓 在靈隱天竺二 知杭州

胡則墓 在龍井廣 處士姚澣墓 在西山 和靖處

士林逋墓 在孤山之陰紹興十六年建四聖延祥  
其墓惟端硯一枚玉簪一枝至元開儒學提舉余  
謙修葺植梅數百本于山構亭于其下成化十年

錢塘縣志 紀制

三

郡守李端修元陳剛中詩北印翁仲拱朱門玉盃  
時驚古帝魂爭似孤山一杯土海花依舊月黃昏

高九萬詩玉函香骨老雲根占斷孤山水月村薦  
菊泉清涵竹影種梅地冷帶苔痕生前已自全名

節身後誰從問子孫惟是年年寒食日遊人來與  
酌芳尊張羽詩水繞荒山路半斜墓園無主屬官

家我來正是梅開日滿目蓬蒿不見花劉子伯詩  
昔賢嘉道後寂寞舊煙霞白日尋荒路青山問隱

家碑殘微有字梅古半無花 浮梁尉吳天秩墓 在  
回首西湖上寒風噪暮鴉

井 徐典章墓 在南山 強金紫墓 在南山 子文憲公

淵明墓 在西溪 司徒章得象墓 在樓真 都尉周邠

弟待制周邦墓 在南 少師元絳墓 在南 樞密章

棗墓 在寶石山棗浦城人歷官同知樞 杜北山墓

在西湖 尉曹將金勝祝威墓 在雲陽洞之右 徐奭

在西湖 院 尉曹將金勝祝威墓 詳見衛靈廟 徐奭

墓在靈山寺丞陳剛中墓在風篁嶺沙盆塢剛中閣

議恢復忤秦檜王瀛詩集句今日漂零過古墳杜鵑

魂華表山空白鶴歸子孫寒食紙錢稀儀王墓在西

湖顯明寺王諱冲湜靖康間六贈直龍圖閣周格

墓在北山格處州人直秘閣浙西提刑建炎元年

贈官勅葬殿撰周杞墓在九里松水岡塢格之弟

其子附焉殿撰周杞墓也建炎二年倡義勤王悉

中機宜除右鄜王劉光世墓在定山北鄉光世保

文殿觀察使屢戰勝金虜為中興良將累官雍國公

謚武僖追封鄜王具見宋史宋無名氏詩將軍力

盡馬蹶穿一片丹心萬古傳叱咤風雲起平地扶

持日月麗中天寶刀掛壁血猶在丹詔褒功墨尚

旌忠長倚碧雲邊襄恪公趙密墓在西溪欽賢

興時以趙都運輦墓在徐范尚書員外郎董京墓

在棲霞嶺秘閣修撰徐應鑣墓在方家峪詳秘閣

朱弁墓在智果院後弁徽州人紹興武義大夫畢

進子忠毅公再遇墓並在西溪進宛州人建炎間

遇以恩補官屢有戰功擢至武信軍謝公墓在金

節度使致仕卒諡忠毅父子俱名將謝公墓在龍山

陽宋封廣應侯謝達及濟王墓在馳嶺下王諱

孫金龍大王緒俱葬此濟王墓在馳嶺下王諱

彌遠矯詔立理宗王出居湖州彌遠稱詔殺趙紫

芝師秀墓在葛嶺寶嚴院師秀溫州人有詩名劉

空有集天下便無詩盡出香分妓惟葉苔磯墓在

留硯付兒傷心湖上塚誰葬復誰碑葉苔磯墓在

雲忠武王岳飛墓詳見廟在烈文侯張憲墓詳見

錢塘縣志

紀制

完

趙鼎墓在鳥尖山陽 牛皋墓在劔門關畔皋魯山人為

初追封高菊澗墓在西湖孤山 澆固先生宋斌墓在虎頭巖施

舊資國寺之右斌分宜人施梅川墓在虎頭巖施

弱冠師朱熹諡涇固先生招花翁孫季蕃墓在舊

於律上官良史墓在北山後 參知政事陳文

廟側季蕃名惟信棄官隱湖山間

工為長短句趙安撫與篋葬之

龍墓在智果寺旁 少師葉仲愈墓在大慈鄉赤山

元國子監丞陳旅墓在西湖湖北太學山 禮部員外

郎程文墓在石人嶺下 文徵州人屢世張伯雨墓在靈

石山玉鉤橋橋伯兩賣玉鉤所建處士仇仁近墓

墓久頹廢成化間姚綬葺治之

在棲霞嶺張翥詩前輩凋零盡南陽有古阡詩應

傳四海酒不到重泉槐國真成夢桃園亦是仙松

錢塘縣志 紀制

罕

根一羽淚慘員外郎張光弼墓在棲霞嶺光弼嘗

澹墮風煙人張員外墓 儒學提舉葉廣居墓在赤

湖題曰詩人張員外墓 儒學提舉葉廣居墓在赤

足矣比卒竟如其言 吾衍墓多寶山

處士鄭德俊墓在玉泉山 吾衍墓多寶山

國朝將軍嚴德墓在靈隱寺之西詳具 主事王洪

墓在尉司 尚書柴車墓在大遮山 高節庵先生墓

山在南 長史瞿佑墓在甘溪 侍郎蔣驥墓在尉司里 尚

書方賓墓在南山 太僕卿王榮墓在石嶺 尚書徐琦

墓在積慶 布政夏時墓在石嶺 郎中張信墓在馬婆

僕丞瑛孫大僕少卿陳贄墓在風篁嶺子 主事陳

參議銓附 鏞墓在石屋 布政武達墓在洪度 沈棲霞墓在法都



督許亨墓在天竺山后 僉事王琦墓在仙芝嶺 真人周思德

墓在八盤嶺景泰中諭葬 太傅忠肅于謙墓詳見祠在小麥嶺成

沈敬墓在丁家山成化中諭葬 都督張真墓在小麥嶺成化七年諭葬

僕少卿吳謙墓在茹家步成化二十年諭葬 都御史吳誠墓在

子嶺成化二年學士王獻墓在王岑山下成化二十年諭葬 遺官營墓

郎中項麒墓在馬婆嶺下 都御史李昂墓在風篁嶺下 尚書

汪諧墓在龍井弘治十三年諭葬 子都御史錢鉞

墓在佛牙塢 侍郎何琮墓在方家峪宏治二年諭葬 侍郎沈銳墓在龍

井禮部尚書江文昭公瀾墓在妙因山陽正德六年諭葬 子侍

郎曉墓在仙芝嶺隆慶二年諭葬 弟詢別駕仲子進

士勝贈尚書三子進士暉仕至修撰四子曜恩蔭

仕至禮部副郎曉子進士圻仕至學憲躍子恩蔭

仕至太守圻子進士鐸仕至都御史鐸從弟孝廉

金鑿皆以文行著科第蟬聯為虎林第一以籍隸

仁邑姑附見 侍郎李旻墓在八盤嶺正 尚書洪襄

其概於此 惠鐘墓在定北東楊塢蓮花山嘉 府君陳良器墓

在甘都御史錢宏墓在玉泉寺右 尚書胡端敏公世寧

墓世寧字永清仁和人累官刑部尚書太子太保

議弘治中嘗以預發盛藩奸狀落籍後柄兵持正

久荒祀萬麻三十五年為時名臣墓在五雲山岡歲

端敏公以忠謀遠慮銷國家外矚內訂憂金甌大

業至今賴之直與忠烈原文成比烈曾未數十年而

廟庭蕩折松檟不保隴原干畝僅有蠻封祠宇數

椽悉為鬻貨蓋匪躬者不遑卹其後而憑弔者寧

無惻於心是邦三事大夫痛忠魂於宿草嘉揚勵

之素衷合謀修葺釀金百餘畀余司事而嚮來收

錢塘縣志 紀制

買祠宇者亦義輸百金餘乃僦工食役糞蕪剪荆  
建崇墉構堂廡春秋祀事成者紳之美受忠亮之  
靈因條其事於都督張奎墓在石人塢嘉靖十四年諭葬昌化

伯邵林墓在九曜山林前衛人實誕生孝惠太皇太后於報恩里嘉靖初追封昌化伯諭葬墓前有發祥祠奉勅建長子琮錦衣衛指揮使尋卒仲子瑋嗣伯爵從子輔錦衣衛指揮僉事

都督牛桓墓在靈鷲山嘉靖府尹查秉彝墓在五年諭葬

嘉靖四十年諭葬 侍郎茅瓚墓在花家園嘉靖四十五年諭葬 大學士高

文端公儀墓在南屏山中峰之吏部尚書張恭懿

公瀚墓在三台山麓弟僉都御史濂墓在靈鷲山麓

祖翹有高行從父應祺應祐羣季洽溥洲洵皆科第膺仕濂子杞孫蔚然曾孫堯揆從子紹皆舉孝廉以文行著世居仁和布政陳善墓在積

杭城世家必稱江張云

錢塘縣志 紀制 聖

論曰有土者必建壇隍土穀陰陽下民王制也錢

塘隸省郡不得獨有其壇隍而有奠茲土者不敢

不紀王廟食名賢賜祠大臣詔墓亦王制也即非

王制而領縣官載祀典者又不敢不紀間有所靈

旁出古制僅存義附傳疑未敢槩削惟是名雖古

而實久夷邱隴窳實私而後緣飾公移交質者影

射干澤者借資誰為濫觴耶若是者寧闕無濫俾

他日無以我為口實可矣

寺

海會寺

在吳山每早潦迎上竺觀音于此祈禱李

橫其前鳳凰峰巒擁其後俯視一城之中闕闔達

木可指而數自昔稱勝初名智果院宋大中祥符

中賜名積善嘉泰間燬于火元至元丙子重建而

易今名至正辛卯又火乃拓舊基而大之江浙行

省平章夔夔子山為題門額曰大海會寺而觀音

寶殿則御史大夫慶童所題也洪武間第寺之甲

乙海會遂為巨剎成化復燬任持僧洪忠有徒曰

宗人乞施建大雄殿天王殿山門觀音殿銅像二

萬餘斤兩廡庖福無不具備殿寶奎寺在忠

中為丈六金像及諸像悉復舊觀寶奎寺慶巷

宋丞相喬行簡捨宅為寺內有寶月樓見滄巖洪

鍾記曰錢塘寶山在吳山之右宋理宗朝丞相喬

行簡宅於山麓寶慶丙戌駕幸其第登山東顧江

海溟渤御書見滄二字以紀勝并璽俱刻崖石迄

今見存東坡諸公亦嘗題詠則其著名也舊矣行

簡罷相將宅捨為寺寺獲宸翰之異因題曰寶奎

錢塘縣志

紀制

三

開元寺

在清平山內有容月軒唐開元建僧空谷

物繁華新氣象樓臺掩映古禪宮西湖畫舫微茫

裏東浙煙村杏靄中堪羨老禪行道處下方同聽

鐘二時仁王寺在七寶山又名開寶寺因宋東京開寶

寺之仁王院而得各其山舊有五大石佛僧慧照

大師法擘隨高宗南渡創于紹興五年紹熙初始

賜額元季兵燹燬洪武中立為華嚴宗講寺沙門

道初傳賢首宗來為住持重構佛殿法堂石佛閣

塑靈山會像正統初元天濡霑法師住茲寺修正

殿葺三解脫門阿山門觀音大士殿祖師堂伽藍  
祠方丈觀堂環翠軒又塑湧壁彌陀天台之境十  
入大阿羅漢金剛二神鼓鐘旛幢凡奉佛之器靡  
不完俱倦倦以嗣教起廢為聖水寺在雲居山各  
心則為佛氏之徒可無愧也雲居庵唐懿  
宗年建中峰禪師嘗居之有雲居八景趙子昂墨  
跡又有中峰拂塵蔴鞋夏原吉詩誰開雲居境  
峨嶽古城西湖晴送壁上竺曉分青經鎮千  
函妙鐘鳴萬戶聲此中真可樂何必訪蓬瀛百法

寺在忠慶巷內畏吾寺在曲阜橋西即定水寺在

平山宋嘉惠安寺在東十二灣巷口晉天福間吳

道之所元季兵燹化為瓦礫故址乃在城東草橋

門外寶欄木營地洪武初移錢塘保安坊東街永

樂開僧福萸移今處福師行既方峻心具慈忍嘗

過市見有貨生魚者即贖歸於庖右關一方池深

廣數丈為放生所每遇有可真教寺在西文錦坊

生者輒買之見邑人于謙記慈雲寺前周顯德

拜寺係回回國人香火歸然市慈雲寺前周顯德

中當道有為勒石者不知何故慈雲寺前周顯德

三年水陸寺在華家池北有宋時銀杏樹二本尚

存蘇軾詩草沒河堤兩暗村寺藏修

竹不知門捨薪煮藥隣僧病掃地燒香淨客魂農

事未休侵小雪佛燈初上報黃昏年來漸識閑居

味思興高東崗寺在獅子巷東晉時慈光寺在佑

人對榻論寶覺寺在積善坊巷吳越靈芝

宋寶慶初張魏公寶覺寺王建旁有慈濟寺靈芝

建俗名鐵佛寺錢塘縣志 紀制 四

寺在章家橋唐貞觀中建俗名蠟燭庵內金剛寺

有春牛局為本縣歲造芒神土牛之所金剛寺

在章家橋晉姚園寺在高陽里巷舊名崇寧萬壽

咸熙間建相國寺在淳祐橋東北有洪鍾記費宏

殿崇奉理相國寺詩舍簡結禪林幽棲一徑深竹

宗御像蔓蓮座相黃金解脫身前業遙惠林寺在

窗懸緣心坐談那忍別殊為條煩襟惠林寺在

知去後長明寺在章家橋東悟空寺在淳祐橋東

場巷紹長明寺唐開元初建悟空寺晉天福七年

興開建上方寺在溜水橋西僧殊宏重建內鑿放

建一在上方寺生池又北門長壽庵亦鑿放生池

女南鄉上方寺皆自為記以

上俱城中寺

淨慈寺在南屏山周顯德元年建名慧日永明院

泉出焉因鑿為井名日圓照南渡時僧道容鳩工

塑五百阿羅漢以田字殿貯之內有宗鏡堂為永

明壽禪師造宗鏡錄處後新建永明禪師舍利塔

黃汝亨為記下有萬工池金鰻井神運井法華臺

羅漢松歡喜巖居然亭蓮花洞門勝甲湖中後有  
文昌閣創於葛寅亮而仁和合吳光義成之寅亮  
為記蘇軾詩卧同蟬老入南山淨埽清風五百間  
我與世疎宜獨往君緣詩好不容攀自地知樂事年  
年減難得高人日月閒欲問雲公覓心履存同調琴  
處是無還黃省曾詩隱才抗貞步遶窈窕南山眺  
瑟心既開登捫與茲掉浼浼北湖屬窈窕南山眺  
雙情交遠襟展論皆清詔蘭陽佐勝羽翠阜延興  
笑靈紀倏攀仰表剝在瞻造金軀儼峩峩容寶宇廓  
層嶠五藥懸采拔入正期精邵雲林琅法鼓茗木  
鳴芳翫遨衷未云已盤徊盡西照王世貞詩擁利  
芙蓉欲欲翔拂雲雙綵吐寒香十干乾闥婆天藥  
五百阿羅漢道場未必應真超劫火還因勝地屬  
空王南園實傍珍聖指點煙蹤並渺茫鄒進光  
詩維繞綠楊岸爰命青梨笈行此四五人鈞衣人  
蒙密南屏鬱岿堯琳宮寄峯律枝搏舛互置稅拱  
向背出楹鳳威羽鮮幢龍鱗甲拆法像有三身應  
真計五百憶昔壽禪師于此布法席言詮雖已繁  
圓鏡乃歸一我來祇樹下彷彿天竺國碧篠吐笙  
簧青松韻琴瑟飢分茵陳飯手展貝多帙逆風發

錢塘縣志 紀制

雲

梅檀香氣妙馥醇維時秋尚熱被衣坐禪室非無  
豪士豪為憚律僧律徒倚澹忘歸山空落紅日豐  
道生詩千巖萬壑玉層層夜半山腰見佛燈竹影  
掃窗塵不到滿牀風雪定中僧屠隆詩西湖畫處  
是南山長日幽人盡掩關寶界門通香漢外香臺  
路接水雲閒不聞朝市風塵急自愛僧寮歲月閒  
參得三明明詮四諦靈隱寺在北高峰下漢書名武  
茶煙初斷鶴飛還雄踞咸和元年勅吳越王開拓  
隱幽澗環繞高峰臨幸焉中有覺皇殿千佛閣彌  
殿宇高宗孝宗常臨幸焉中有覺皇殿千佛閣彌  
勒閣蓮峰堂妙應閣禪悅堂歸雪庵雙桂庵淨居  
庵白雲庵寺前舊有古松如虬龍直接九里松後  
寺僧如通造殿多被斫伐庚申歲心湯特補種并  
禁損伐張祐詩峰巒開一掌朱檻幾環延佛地花  
分界僧房竹引泉五更樓下月十里郭中煙後塔  
聳亭後前山橫閣前溪沙涵水靜澗石點苔鮮好  
是呼猿久西岩深響連賈島詩峰前峰後寺新秋  
絕頂高窗見沃州人在定中間蟋蟀鶴於栖處見  
欄侯山鐘夜渡空江水江月寒生古石樓心欲懸  
帆身未遂謝公此地昔曾遊司空曙詩春山古寺

繞煙波石磴盤空鳥道過百尺金身開翠壁萬龕  
燈燭隔煙蘿雲生客到侵衣溼花落僧前覆地多  
不與方袍同結足下歸塵世竟如何楊維禎詩九  
里松關一徑深修廊干丈畫沈沈佛安瑪瑙沈香  
座僧住梅檀紫竹林南北高峰天外筆東西流水  
屋頭琴冷泉亭外閒磴磔流盡三生名利心李攀  
龍詩武林臺殿敞諸天建自咸和第幾年纔到上  
方雙劍合飛來何處一峰懸梵音動雜江潮轉燈  
影長含海日傳所以龍宮稱絕勝驪珠交映使君  
前王世貞詩步屨徑垂盡招提天忽開山驅丹鷲  
下泉捲白龍迴石氣清僧席藤陰裊佛臺鐵衣雙  
大士金粟萬如來寺愧題名隱詩憐異代才游人  
日何限無地著蒼苔葉向高詩山行情不厭暑入  
景徧宜古刹依靈鷲聞雲近酒卮逢僧能識字對  
客善題詩蹤跡看上天竺寺晉天福間僧道翊結  
如此吾生媿鹿麋上天竺寺庵刻畫觀音大士像  
乾祐間有僧從勳自洛陽持古佛舍利來置頂中  
妙相咸備書放白光吳越王建天竺觀音看經院  
宋咸平中浙西久旱郡守張去華有禱輒應南渡  
時捨施珍寶大內罕見嘉祐中沈文通治郡命僧

錢塘縣志

紀制

吳

辨才主之鑿山築室幾至萬礎治平中郡守蔡襄  
奏賜靈感殿額建炎四年兀木入臨安謁天竺問  
知觀音本始乃舉之輿中與大藏經併徙而北時  
有比丘智完從至燕乃重以他木刻肖前像詭曰  
藏之井中而出之至今稱觀音出現并其寶非故  
物也國初重建累朝宣賜金帛及寶旛之屬寺內  
有白雲堂兩峰堂中印堂雲漢閣應真閣延桂閣  
秋芳閣伴雲閣清華軒植杖亭謝履亭流虹澗金  
佛橋琮老橋疑翠泉觀音泉雲液池池上辨才手  
植山茶花並廢惟白雲堂尚存宋孝宗觀音像贊  
倚歟大士本自圓通示言有說為世之宗明環無  
二等觀以熙隨感即應妙不可思議理宗贊神通至  
妙兮隱顯莫測功德無邊兮感應甚速時和歲豐  
今祐我生民兵寢刑措兮康此王國綦母潛詩郡  
有化城最西窮疊嶂深松門當澗口石路在峰心  
幽見夕陽最西窮疊嶂深松門當澗口石路在峰心  
金雲向竹溪盡月從花洞臨因物成真悟遺世在  
茲峯李太白與從姪良遊天竺寺詩持席凌蓬邱  
觀濤憩樟樓三山動逸興五馬同遨遊天竺森在  
眼松風颯驚秋覽雲測變化弄水窮清幽疊嶂隔

遙響當軒寫歸流轉成傲雲月佳趣滿吳洲蘇子  
瞻秋日訪辨才詩不辭清曉扣松扉卻值支公久  
不歸山鳥不鳴天欲雪捲簾唯見白雲飛陳善詩  
茶杯分上竺蓮社憶東林暫稅塵中駕聊怡世外  
心山虛風息籟谷響鳥傳音信信忘歸路松行踏  
翠陰李奎詩秋光澹巖岫入谷聞晨鐘白雲嵌紫  
芝峰朵開芙蓉林香晝自結夾道羅長松沙廣草  
煙薄蹊深花霧濃梵嶺鬱飛鷲呪潭降毒龍聞禽  
互交語道侶時相從久矣悟空寂齋心禮金容精  
廬隱暮色蔬食修珍供還憩崖亭上永懷高人蹤  
中天竺寺在稽留峰北隋開皇十七年建吳越改  
樹新山深景候晚四月有餘春竹寺過微雨石徑  
無纖塵白衣一居士方袍四道人地是佛國土人  
非俗交親城中山下別相從亦殷勤參寥子詩夕  
陽山氣靄蔥蔥路轉松陰復幾重行過石橋人未  
見數聲先聽寺樓鐘稽留峰北好林泉珍重幽棲  
得所便柏子烟中能宴坐想無餘習可攀緣霜壓  
簾礎雪泣條銀河初轉斗垂杓清下天竺寺在靈  
言共矢三更夢錯恨芙蓉漏易消

錢塘縣志

紀制

七

麓晉僧慧理建有菴葡萄堂隋朝檜楮榆木張祐詩  
西南山最勝一界是諸天上路分巖竹分流入寺  
泉躡雲丹井畔望月石橋邊洞壑江聲遠樓臺海  
氣連塔明春嶺雪鐘散暮松煙何處去猶恨更看  
峰頂蓮張翥詩石梁濺水溼蒼苔陰洞傍穿澗底  
回殿閣金銀從地湧山林圖畫自天開龍隨僧到  
分雲往猿認人呼下樹來遊興未闌斜日盡馬頭  
呼酒尚徘徊黃省曾天竺寺詩窈窕招提境何年  
阿育開泉泉皆入繞樹樹作雙栽鴈刹青鴛出珠  
函白馬來碧題看竺國何異化城回百廷王詩山  
轉龍泓一徑深嵐煙吹潤撲衣巾松蘿掩映似無  
路猿鳥往來如有人講石尚存天寶字御梅嘗識  
建炎春城中遮日空西昭慶寺在錢塘門外晉天  
望自與長安隔兩塵冠都御史胡宗憲重剏殿宇  
不一嘉靖間燬于海寇募建萬厯三十五年勅  
隆慶間復燬新都汪道昆募建萬厯三十五年勅  
賜銀一千兩助建內有戒壇藏經閣千佛閣鹿野  
堂禪堂觀音井卧牛石放生池宋陳堯佐詩湖光  
山影裏靜景與僧分一榻坐臨水片心閒對雲樹  
寒時落葉鷗散自成羣莫問紅塵事林閒肯暫聞

潘之恆詩二首禪心塵事隔僧臘一朝無皓月臨  
池徹涼風入殿蘇收魚聲似鶴貫石色如珠頗覺  
鬚眉醜從來媿佛奴戒壇門外柳直接斷橋青  
徙市囂初遠飄湖夢未醒香雲遲度梵曲樹滿函  
經照壁餘燈影石屋寺在南山即大仁院中有石  
隨煙亂曉星翠微顛鐘聲萬壑連倦雲依洞宿野  
鬼傍僧禪谷暗常疑夜崖穿忽有天會將綠玉杖  
一接紫霞仙清修禪寺在煙霞洞前俗名煙霞寺  
晉開運元年尊顯像石壁若鏤刻而成者異之未  
幾洪卒吳越王錢氏補刻一十二尊洞後宋有清  
修寺今重建惟象鼻石佛手巖石大慈定慧禪寺  
在柵外三圖羅漢東坡雷題尚存蘇軾詩紫李黃  
瓜村路香烏紗白葛道衣涼閉門野寺松陰轉  
欵枕風軒客夢長因病得閒殊不惡安心是藥更  
無方道人不惜階前水借與匏尊自在嘗釋來復  
詩金沙泉湧雪濤香灑作醍醐大地涼倒浸九天  
河影白遙通百谷海聲長僧來汲月歸靈石人為  
尋源宿上

錢塘縣志

紀制

哭

方欲著茶經校奇品山瓢雷待羽僊嘗王世貞詩  
百草沾風蠶月香雙鳩喚雨麥秋涼過橋已覺世  
情少到寺始知僧日長拂蘇石雷行脚偈掛瓢泉  
是洗心方長公更有茶瓜在禪悅能容取次嘗方  
九紋詩曲徑同尋大士家林嵐幽勝入煙霞清泉  
遠澗飛成雪紅葉含霜望似花欲託醉鄉憑魯酒  
漫辭水厄試僧茶幽樓況對法相寺在南峰下後  
求羊偶且向山中閱歲華對法相寺唐時有高僧  
行修生有異相耳長九寸上過于頂下可結頤號  
長耳和尚天成二年吳越王待以賓禮居法相院  
真身存焉內有定光庵久廢萬麻三十五年心湯  
修復朱長春詩獨橋交野欄深寺足秋筠乘興來  
遊客清言得上人窗虛過鳥影龕古見禪身正坐  
南峰底高雲落酒巾屠隆詩長耳元非相忘形始  
悟心一燈懸普照萬竹散清陰雲卧僧衣惠因寺  
薄泉飛錫杖深未能蠲世事聊爾滌塵襟  
即高麗寺吳越王建元豐八年高麗國子僧統義  
天入貢以金書漢譯華嚴經三百部入寺施金建  
華嚴閣藏塔以崇之內有理宗賜書易龍井寺在  
庵二字碑趙子昂碑蘇軾護法像俱存



篁嶺舊名延恩行慶寺唐乾祐開建元豐二年辯  
才禪師自天竺歸老于此與蘇子瞻趙聞道友善  
後人因建三賢祠祀之有歸隱橋方員庵寂室照  
閣閒堂訥齋湖音堂滌心沼薩埵石辟塵爐片雲  
亭與時亭沖泉諸天閣明申時行詩籃輿轉入白  
雲林山塢透迤一逕深夾道松杉銜夕照凌空臺  
殿倚秋陰丹楓半墜翻經葉黃菊全舒布地金坐  
對山僧渾不語當門流入是禪心朱長春詩瀑泉  
飛雨挂松枝丹壑峻嶒石磴危白日龍吟深秋古  
空山鳥落片雲遲仙人滄海如堪望帝子江城有  
所思谷黑風鳴荒寺暮登高搖落忽成悲鄧原岳  
詩為選南山勝欣從初地游峰迴疑鹿苑泉湧即  
龍湫雨散雲歸峽天低風滿集慶寺宋理宗淳祐  
樓山僧能送客一過虎溪頭  
建仇遠詩半生三宿此招提眼底交遊更有誰顧  
惜護畱金粟影杜陵忍賦玉華詩旋烹紫筍猶含  
籜自摘青茶未展旗聽徹洞簫清不寐月明正照  
古松枝宋長春遊集慶寺瞻宋理宗遺像詩宋帝  
初開玉殿尊遺容亦在此山門龍旗彷彿宸遊影  
金盃荒涼古墓魂半嶺僧鐘餘落日千秋樵徑自

錢塘縣志

紀制

巽

空村從來賦客江南普福寺在九里松仙芝嶺宋  
意悵望西風動野原內有綠筠坡錫杖山台僧朋礪  
建元趙子昂書額寺內有緣筠坡錫杖山台僧朋礪  
辟支塔瑞岡院藥澗橋鄧原岳詩淨上談玄屢款  
屏平生我亦悟毘尼天台道在毘陵記廬阜神交  
惠遠師度嶺白雲飛錫處散花清晝說經時西南  
峰下龍泓路曾靈峰寺在青芝塢故名鷲峰院吳  
記山房舊賦詩靈峰寺越王建相傳裴休墓院萬  
麻初寺廢僧徒邑人陳善捐貲贖之迎僧通慧以  
守蘇軾詩靈峰山上寶陀寺白髮東坡又到來前  
世德雲今我是依稀猶記妙高臺許應元詩空門  
傳不二合節屈重陽看取蓮花淨無煩菊蕊芳沙  
虛喧候雁露冷咽寒蟬幽玉泉寺故名淨空院南  
賞豈終已請看山月光玉泉寺齊僧曇超說法  
龍王來聽撫掌出泉建龍王祠晉天福三年建淨  
空院于泉左宋理宗書玉泉淨空院額內有細雨  
泉觀音殿幾廢心湯復之為署晴空細雨額白樂  
天詩湛湛玉泉色悠悠浮雲身閒心對定水清淨  
兩無塵手把青筇杖頭戴白綸巾興盡下山去知  
我是何人王世貞詩寺古碑殘不記年清池媚景

且留連金鱗慣愛初斜日玉乳長涵太古天投餌  
聚時霞作片濠上人深處月初初弦還將吾樂同魚樂  
三復莊生濠上篇黃省曾詩散趾遵蘿徑張筵俯  
玉津來憑仙石瀨暫洗客車塵靈鳥如聽法文魚  
不避人吾儕行禊鳳林寺俗名喜鵲寺唐鳥巢禪  
所奚滅洛川濱釋來復詩寶網金幢變劫灰瞿曇寺  
之骨塔存焉釋來復詩寶網金幢變劫灰瞿曇寺  
裏盡蒿萊鳥窠無樹山夔泣不見談禪太傅來  
瑪瑙寺晉開運初錢氏建皇明永樂開重建陳諭  
草密暗泉咽前林或清磬煙燈遠折樹搖高露驚  
欲滅寄謝塵中人與君從此別蘇子瞻守杭州與  
山吳越王建紹興間徙此先是居泉日參寥泉寺  
智果院禪師參寥子善名其所居泉日參寥泉寺  
既徙北山有泉適出寺後好事者仍名參寥泉張  
光彌詩佳遊在上巳屬此清明前春景已云暮風  
光猶未暄往尋智果院竟得參寥泉景物豈殊昔  
人世自更遷邈哉長公詠風流想當年我輩復登  
臨化界何因緣古佛儼香閣真詮積華軒境超萬  
念空道勝諸妄捐緬懷此會難徘徊未云還申章

錢塘縣志 紀制

幸

續芳藻 大慈寺 在上隅五圖俗名包下天真寺

或來者傳 淨因寺 在海月橋俗名新寺宋乾德

齊高宗建 淨因寺 建在內有靈化洞吳越石佛寺

上天真寺 舊名登雲臺內有靈化洞吳越石佛寺

在慈雲嶺亦名永奉聖寺 在鴻鴈池後舊名道林

壽寺吳越王建 龍華寺 在柵外一圖即寶乘院

寺在城南即普濟 龍華寺 在柵外一圖即寶乘院

仍造傅大士塔傍有十景瑤華洞千官塔聞經臺

法華池落日崖四顧坪望海松片雲石麒麟洞白

龍洞舊為貫雲石別業有司馬溫公祠今勝相寺  
廢山麓有宋臣齋宿題各隸書石刻今存勝相寺  
在城南鴈臺鄉即五天龍寺樓徐一夔記略曰杭  
丈寺唐開成間建 天龍寺 樓徐一夔記略曰杭  
天龍寺在慈雲嶺之陽後據龍山前挹浙江幽篁  
瀟灑唐真覺禪師始建道場碑刻墜軼莫考其歲  
月錢武肅王時欲廣禪會乃新茲寺以居鏡清禪  
師其後明真機清惠秀皆以名德相繼僧史書之

宋大中祥符三年改額感業以甲乙傳次建炎三年燬于兵惟木觀音像在紹興十三年建園壇以淨明寺為齋宮泰定三年遷寺於舊基之東若干步即宋郊祀時待從齋宿地也高爽夷曠得江山之勝乃作大殿佛閣僧堂翼以兩廡蔽以三門以及庫庖福園與法所宜有者莫不修具訖工於至正三年冬余士吉詩龍飛鳳舞兩峰迴王氣纔消梵宇開卓錫地侵行輦地雨花臺近拜郊臺草分野色沿城去風引江聲入寺來三百年過如昨日老禪猶說舊蓬萊張輿詩鳳皇山中多古寺天龍之景何清幽半空花雨春浮殿萬壑松聲風滿樓宋室園丘禾黍谷元鬢方丈石泉流吟哦不盡登臨興落日蒼萬壽寺保和寺在龍山下開九曜江生客愁

錢塘縣志

紀制

至

後晉開運間建內有真珠泉王衡詩因逢開士指清泉顆顆珠從天鏡懸數訝驪龍額下吐直須星宿海中連禪心會處空應照世味嘗來淡榮國寺更全歌徹神魚眠未穩笑歸秋色萬峰前孟潭即南高峰塔院晉天福間建內有白龍洞鉢孟潭潁川泉田汝成詩飛塔中天起清秋騁望來凭闌湖月近倚杖海雲回窈窕千峰合丹靈芝寺在湧青萬樹開猶憐雙足健無日不登臺靈芝寺在湧外宋有浮碧軒依光堂為孝宗臨御之所朱靜佳詩黃金匝地小橋通四面清平納遠空雲氣長扶天子座日光浮動梵王宮殘碑幾字莓苔雨清磬一聲楊柳風沙鳥不知行樂事背人飛過夕陽東六通寺熙記略曰武林繇王鏐眾建仁祠兩邑湖山間梵唄利光六通四辟矣顧臨水者迷於西子依山者壓於夔魑据形勝者鄰於伏屍之宅惟慈德六通律寺魔惱穢累所不侵王鏐倚為神通勝因者也幽淙靈石掩映精廬寶鼎辟塵塵踪竟絕禪者每持律證通也度長耳和尚于此咫尺袈裟地定多跌憩所證無漏畱蛻千秋有由致矣日月

道往漸以蕪圯波旬侵疆四履不得通至魔惱穢  
累倍於眾祠然金身在宮猶照徹無礙也犯者七  
人韋杵頌始悚然稍歸侵地而僧玄公視布金長  
者多在晉陵松陵數千里內便往詣乞焉眾長者  
不惜有漏財於是崇招賢寺末燬猶存古殿元大  
宮恢土復還六通焉  
佛寺在寶石山舊傳秦皇繫纜石宣和中僧恩淨  
輿詩葛仙嶺西大石頭祖龍東來曾繫舟不聞登  
仙入蓬島徒見作佛如嘉州地湧半身雲水繞山  
開一面金碧浮幾回劫火燒不盡空對湖山飛白  
鷗僧傳如詩寒雲懸片石繫纜說秦皇金碧時銷  
鏤滄桑未渺茫佛燈漁火近僧梵崇壽寺在多寶  
棹歌長干尺元非相毫端見法王  
王建寶所塔于山巔尋崩咸平中僧永保以目青  
募緣十年始復其舊目光如故保有戒行人呼師  
叔俗稱保叔塔錢思復詩金刹天開畫鐵簷風語  
鈴野雲秋共白江樹晚逾青鑿屋簷藏雨黏崖石  
墜星下看湖上客歌吹正沈冥瞿宗吉詩樞衣踐  
危蹬石勢鬱峩浮圖倚霄漢步步仰高標簷鈴

錢塘縣志

紀制

至

自相語雲鶴誰能招閉來藉草坐裸袒脫塵囂涼  
風下木未毛髮皆蕭蕭安得挾飛仙去觀滄海潮  
仁王寺在保叔塔後埽籌塢寺后圓覺寺在九里  
宗書天申萬壽薦福寺宜對亭葉紹翁詩講罷閑  
來立矮闌袈裟衣薄翠光寒請師莫起雲屏想  
只作當年面壁看以上南北兩山附郭寺  
雲棲寺在梵村天柱寺旁禪師祿宏嘗伐茅建庵  
陶望齡董其昌皆有記其昌記并書記曰杭之山  
自天目來帶茗水挾聖湖南盡於江浙而東是為  
鳳皇諸山宋之故宮在焉遡流而西二十里是為  
五雲山循山麓而西四五里是為雲棲寺則今蓮  
池禪師之道場也陂陁下巖谷幽密劃然野處  
而不與湖山為羣境則變喧而幽土則去穢而淨  
壹似遺世者山當江之折海門濤頭雪湧而霆  
擊者至此蕩為平川洋洋瀾瀾怒氣消盡壹似忍  
辱者由東岡而上有璧觀峰青龍泉出焉中峰之  
秀復出一泉名曰聖義泉西岡之下復出一泉名

曰金液泉涓涓甘冽汲灌不竭壹似利生者此非  
有道者莫能居而居之者亦於道力有助自宋伏  
虎禪師住山以至國朝雖天禧中稍闢為寺而遞  
興遞廢夷為榛莽久矣師以隆慶五年託鉢此村  
若有冥契曰吾骨人得骨山可以老矣縛茹三楹  
經禪冥坐有終焉之志環村四十里數有虎張師  
以慈止殺虎不為暴歲旱禱雨兩澤輒應慙不為  
災居人異之爭來作室度材於家山仍礎於故址  
民大和會焉師曰毘盧宮殿偏界偏空草昧經營  
無勤檀施唯法堂奉經律禪堂以處僧茲所急也  
既落成而百年廢刹遂復舊觀矣此雲棲之緣起  
也師之待者以為古德破荒眾檀積力不可泯沒  
請余記之余何知出世事而竊有感於法道盛衰  
之際也在昔唐宋時士唯薄將相不為者始去而  
為大僧以了百千億劫之生死故其戒行之嚴宗  
風之峻直可感鬼神馴異類或為道俗所皈依或  
為帝王所禮敬名藍淨刹於是繁興矣蓋其盛也  
近世以經術收儒士士所不收者方自引而食於  
僧是以赤縣神州列刹相望圓頂方袍聚廬而處  
者百十為輩即而求之所為禪師律師如古尊宿

錢塘縣志

紀制

三

者有幾假令大年削牘寂音操筆二百年來可膺  
傳燈僧寶之選者又有幾則雖金碧土木之莊嚴  
崇之至於於天而廣之至於十由旬何益蓋法道之  
衰相見矣師庠校名士始欲以祿養為孝既以宏  
法報恩為孝騏驥壯盛而龍象超忽最初發念固  
已卓然名聞利養之外矣龐蘊罄百萬而擲漢水  
僧紹冒三毒以開攝山豈足專美乎師自主法席  
以來既三紀行在梵網志在觀經標淨業則東林  
立清規則百丈析義疏則玉泉辨宗乘則慧日摧  
陰魔則板度空排戲論則秀鐵面雲棲雖幽迥荒  
率無諸莊嚴有具眼通者必曰先師塔廟在矣有  
具耳通者必曰某古德再來矣毘嵐偃岳而不波大浸  
通者必曰某古德再來矣毘嵐偃岳而不波大浸  
稽天而不溺是雲棲之興法道大有賴也大師所  
著有彌陀經疏鈔緇門崇行錄禪關策進等書數  
十種鉸行於世師俗姓沈名袞宏字佛慧仁和人  
又望齡記曰昔世尊以五時彰教隱顯權實順布  
而不忒若溫綿涼簟隨候異設凡以逗機宜適根  
莖而已正法東壇師資角立日講日禪並而  
為三然軌轍同歸君臣遞用斯亦一代時教之遺

也天目中峰師有言密部如春慈恩如夏南山律  
宗如秋教外別傳之旨如冬自祖燈輝三家替法  
久生濫藥療權施雖離言絕迹之塗而言迹具焉  
大智翊規則律該圭峰詮經則教設至永明天衣  
而降多寄指蓮邦默標心土持名淨念始庶幾所  
謂密者然則少林一宗四序備矣由是以觀一氣  
燠寒而歲成一音開遮而化闡莫不因宜而建之  
遇變而通之離之以提宗合之以成務其致一也  
像季陵夷學者文言依通未嘗有古先生研幾極  
深之用在有以率情資空以護過而欲圓契法界  
密還心源此與兒嬉嚶語何異嗟乎禪學盛而教  
律薄禪學衰而致律亡矣破器焦種道所不載猶  
謹於眾曰吾宗固然儀範弛解觀行滅裂而苦提  
達磨單傳之教亦歸地盡澶漫流涵無甚茲時者  
昏衢積晦慧日乃升於是雲棲大師應期運秉慈  
願挺生於冠族飛簾於儒苑然後辭榮捐愛薙染  
登具荷包咨叩百城忘疲隆慶辛未歲始返錫武  
林五雲山之棲塢宋伏虎遺刹在焉礎石就勑餘  
堵纔存而師蒙露戴星晏坐其下久之方刊灌莽  
成芟舍繩牀瓦鉢獨寤弗諼而已然薰之以戒德

錢塘縣志

紀制

齋

扇之以玄化慈戢猛獸誠感霖雨於是遠近毗庶  
順風爭趨輸材赴工如水投壑無何而役竣仍其  
始號曰雲棲禪院門殿不設庖湏具體惟禪室法  
堂制稍崇敞以奉經像集徒侶蓋大師夙志也大  
師之教革偽正訛貴繩檢黜戲論一歸於真履底  
於妙悟謂綱紀道俗者莫大於行是故有緇門崇  
行之錄覆護羣動者莫尚乎慈是故有戒殺放生  
之文嚴淨尸羅兼資物我者莫廣於梵網是故有  
戒疏發隱之義頓超直指剋證靡濫者莫要於禪  
是故有禪關策進之篇於後世為大津梁於諸  
方便中出勝方便普被羣機橫絕三界者莫徑於  
淨土是故有彌陀經疏鈔之作嘗稱曰阿伽已疾  
如意雨寶總羣塗而一貫者其惟持名一心乎其  
進為行淨為律契為法究為禪以故師之唱演靡  
所不備而宗趣有在緇素之徒咸望大師為善導  
雲塢為極樂交廣庸蜀幽并冀朔之遠莫不爾足  
皈禮延頸嚮化與於籌室者不可勝數而師尤隱  
解顯行攝謙不居痛抑狂濫躬為之隄岸終身退  
然處於學地雖凡衲單士通謁而至者咸與之均  
禮於戲非盛德何以臻此乎而昧者謂院以禪名

宜杜塞歧徑獨踞大方紹明從上以來單傳直截  
之旨若以是為師少者夫治水者撤堰而瀉之築  
防而居之乳兒者塗苦而禁之洗滌而養之惟其  
宜適也世降習偷邪師謬解如波如馳苟務泯相  
毀教等持犯均淨穢決實於旱秋絕哺於饑子豈  
大士匡時應會起極弊振將絕之道哉俗善畫龍  
見龍而驚塗羹雜陳而笑耕稼者不亦姓乎是山  
形勝泊剏建緣起詳載大師所撰記及董太史其  
昌碑中故不具其言師所以應化拯時有功宗乘  
者勒石講堂詔於無窮又祿宏自為記曰杭府治  
南連大江江西引明聖二湖萬山遶湖而絡繹江  
遡江西上行二十餘里山名五雲先是山之巔有  
五色瑞雲盤旋其上因以名山已而五雲飛集山  
西塢中經久不散時人異之號為雲棲塢宋乾德  
五年有僧結菴以居塢多虎僧至虎輒馴伏世稱  
伏虎禪師者是也吳越王錢氏為之建寺而雲棲  
於是剏始矣禪師一號大扇和尚諱志逢初築室  
五雲之頂天禧中降勅賜真濟院遂并闢雲棲天  
池二院而成三刹後治平二年改號棲真今日雲  
棲者復古也雲棲居五雲之西徑曲林幽四山圍

錢塘縣志

紀制

卷

合蒼翠縱然東崗而上有壁觀峰峰下出泉名青  
龍泉迤邐下中峰之傍復出一泉名聖義泉又下  
而西崗之麓復出一泉名金液泉覓引涓涓潔冽  
甘芳汲灌不竭獨以荒僻寥落人迹罕至非忘形  
死心者莫能居焉紹興初有余知閣者屣蹕南渡  
隱於寺側後捨宅歸寺聖朝弘治七年霖雨發洪  
廬宇經像隨水漂蕩僧稍散去顏耄者僦居民  
莊而故院遂葺莽父老過之傷感垂涕衛將軍玉  
溪楊公暨子念堂君雅嚮三寶時募僧重修而頻  
苦虎患居無何即引去隆慶五年株宏行腳南還  
愛其岑寂孤形隻鉢趺坐圮壁間太學生陳如玉  
李繡等為之構靜室三楹而宏書與野鹿主賓夜  
與鳴泉倡和悠然若將終身村之民怪其能久居  
也環村四十里歲傷於虎者不下二十人而雞犬  
不與焉宏乃發悲懇諷經千卷設瑜伽施食津濟  
之自是虎不傷人適歲亢旱禱於山偶時雨霑村  
之民又大悅而慶其得安居也相與纍纍然肩材  
木而至曰茲吾祖所植也荷鋤鏹發其塵塗之礎  
礫而指之曰茲雲棲寺之故物也禪師福吾村吾  
願鼎新寺之遺址以永吾一境之香火由是不日

而成蘭若外無崇門中無大殿惟禪堂處僧法堂以奉經律而已宏自惟迂疎陋劣寸長無稱抱病入山分與草木同腐頃值幻緣興此廢墜惡容坐食不思所以報佛恩而下酬檀信乎願生平尚真實而賤浮誇甘窮約而羞名利因共一二同志相砥礪力行古道盟而後進犯而必退大都主之以淨土而冬專坐禪餘兼講誦日有成月有稽歲有表凜凜乎使無賴者不得參乎其間雖於法門無大裨益庶幾救末學之弊以俟後之知識云永爾宏沈氏子字佛慧號蓮池仁和人後之為記云永興寺曰西溪有名利曰永興寺當靈竺之後山唐貞觀年悟明尊者開山宋鐵牛印禪師重建濟顛復壘石為安樂橋橋不數武而當水齧處傾確欲墜乃夏漲秋灌勢甚衝決而歸然獨存真聖蹟也郵民將食螺師已斷其尾顛乞放之池中遂活至今皆無尾寺中廢嘉靖間復興失其東偏為萬氏祠而祠又屬趙氏馮祭酒開之倡緣以七十緡贖還于是永興東境始復僧真麟居禪堂舊址焚修不懈禪房二間在池左高榆修竹閒碧琅綠雪脩

錢塘縣志

紀制

奕

然可人池右種梅百本霏霏晴雪芳馥林表馮公因屬麟上人併佛宇一新之馮公數往來此寺嘗歎曰此寺非惟地境幽絕僧朴真無綺妄非諸山等即十八里梅花春時山家焙茶香聞十餘里亦清勝冠諸叢林矣因題曰二雪堂永興有緣不滅蘇學士三過矣寺后有方丈各安樂松軒是不佞所書厨下井名聖泉雲間陸尚書樹聲有淨界莊嚴題中江莫如忠所書俱名筆足與寺千載宜記佛慧寺在履泰一圖報先寺在西溪履泰一圖又慈嚴寺在安吉三圖雲泉寺在長壽廣福寺在長壽寂福寺在長壽定安寺在定北定明寺在定北三圖金蓮寺在定北光明寺在定北二圖妙靜寺在定北二圖宋元祐常樂寺即天柱寺在定北棲真寺在定北開化寺在月輪山即六和塔院宋開寶中永明禪師建以鎮江潮



寺內有無諍寺女南一圖禪智寺女南四圖真際

六和塔元時建在崇化八下九真寂寺在

寺在巖吳越王建法性寺在崇化八下九真寂寺在

下九圖宋光嚴寺在八上大雲寺在奉口唐重興

寶慶間建靈芝三都荀山寺在靈芝三都廣化寺在

寺在靈芝三都靈芝三都靈芝三都靈芝三都

松山相傳寺東明寺在安溪大遮山前建文長慶

側有沈約墓東明寺在崇化七都四東蓮寺在崇

寺在女北唐寶林寺在崇化七都四東蓮寺

都五圖宋時建萬麻三十五年重建心湯碑云大

璞山之南有蕭利焉其始翺者南宋時僧智深也

僧本郡人受法于常州華藏元禪師後歸觀結庵

茲山沙門雲彙遂拓為寺日與談宗旨見為獨利

上根弗普弗徧非西聖接引意也復建彌陀殿約

諸善信同修淨土效晉遠公東林蓮社故號東蓮

云由宋入國朝晨鐘夕鼓香雲弗絕迫值緜役繁

重繙衣染公府之塵叢林苦吏胥之擾產蕩僧散

錢塘縣志

紀制

寺

猿嗥狖嘯風雨之所漂搖僅見落葉荒苔數椽朽

屋而已里中朱廣文等惻然連一笠之想圖恢復

計聞皋亭悟空塔院僧准者有戒行雅負幹才禮

請卓錫而望殘燼復燃可不謂盛舉乎淮因緣難

驟結閉關以待然而眾樂為助飾金施粟不脛而

至因命衲子性宏德等庀材鳩工鼎建佛殿前為

山門左齋堂右禪室廚庫溫浴鱗次一新追惟東

蓮之義彌陀殿巋然傑構如昨于時結社焚修者

絡繹也予思政虎賦蛇腋脂剗肉即名閩鉅姓易若

承蠋也予思政虎賦蛇腋脂剗肉即名閩鉅姓易若

裘倏見實零別琳宮梵宇聚散搏沙者邪有為人

之軫念倡義捐貲魏謀起廢制嚮之鞠為茂草者

煥然金碧輝煌矣遞興遞廢之故縱之日劫數詎非

損不至剪焉荆棘斯不去珠復還願後之人有增無

功德無量也乎用紀顛獠以昭勸戒妙智寺在

圖俗呼杜甫廟福壽寺俗呼東隱寺唐貞觀中

宋大觀中建福壽寺俗呼東隱寺唐貞觀中

智勝寺在下扇三圖寺左有白兔泉味清列異常

雲詩衣帶南流水風波去棹遲雲光沈梵閣山色  
澹江湄寺有高僧偈詩慙學士題漫雲無可坐空  
際白淨性寺一名湧泉院傍有青石橋內有雙桂軒  
雲期淨業普明寺在錢塘門外迤北法昌寺在欽賢  
淨業普明寺五里即鐵佛寺北法昌寺七圖普  
堂潤寺在城北一圖宋清熙初廣福寺在東北隅乙永  
潤寺建元燬萬麻開重建妙行寺在武林門外夾  
慈寺在烏盤橋北萬麻十妙行寺在武林門外夾  
待寺內觀音寺在餘杭塘北舊名觀音妙智法雲  
有雙井觀音寺院宋開寶間張彥捨宅建妙智法雲  
寺在城北歸錦橋西豐樂寺在西馬塔晉正等寺  
在調露二圖吳越王建報福寺俱調露鄉寺  
唐天寶間建仁壽寺建報福寺以上鄉間寺

觀

佑聖觀在興禮坊本宋孝宗潛邸光寧二帝皆生  
於此淳熙三年改奉北極佑聖觀至元大

錢塘縣志

紀制

奕

德七年燬於兵火其年重建今為祝聖習儀之所  
內有宋理宗像有趙孟頫書碑戴元表重修記有  
天一井虞集撰銘并書銘曰太峰南垂元氣積陰  
關闔扉陽洞闢曲穴流泉保靈宅任君來餌黃赤  
石天一召錫天元明曲阿受養良有擇構宮方嚴  
自王子伯清蹕臨止靈響格虛林森爽化赫奕福鄉  
帝子發甘液不食何年喪遺贊白雲映空玉清客  
開元全盛煩百役持節旁午文纏辟爾來蕭條世  
代隔石鐙刻文士漫畫誰其啟之規古昔句曲外  
史美冠鳥研書干卷視貞白天真景隨玄系擇金  
室玉堂旌德觀在保安坊內宋寶慶間府尹袁詔  
萬無敦旌德觀奉建以祀先賢今為溫神殿道士  
奉祀旁景隆觀在板兒巷宋嘉定間建內有寧宗  
仍有祠景隆觀書景隆福地理宗書景命萬年閣  
扁玄妙觀在吳山麓忠慶里唐末為紫極宮梁真  
額玄妙觀改真聖觀宋改天慶觀元改今名  
聖觀玄妙觀左中有蜥蜴碑芭蕉池玉壺泉又名  
唐乾符間為紫極宮錢武肅王奏請復兩浙老君  
廟親灑翰勒碑改今名元趙道士鑿方池以瀦流

泉植芭蕉其上有羽客訪之趙適佗出客題二詩  
於蕉上而去詩云午夜君山玩片回西隣小圃碧  
蓮開天風香露蒼華冷名藉因由問汝來白雪紅  
鉛立聖胎美全花要十分開好同子往瀛洲看雲  
在青霄鶴未來識者以為呂洞賓榴皮所書也元  
季兵燹正統開張志源即其故址中重構歷三寒  
暑始告成施逸詩雲斂空山月滿臺鍊師騎鶴至  
下天來自從巖客題詩後為問蕉花幾度開  
德觀在吳山巔俗呼星宿閣傍有江東祠史繼宸  
偏前左使趙公稍葺之業未竟有京兆之擢不佞  
借右使原易范公代為振齊其緒報成事按郡乘  
觀宋紹興間在渾儀臺側奉歲神歲首春勾芒宅  
焉天子為題額元福燬渾儀廢而閣復建設天帝  
星曜象俗稱星宿閣未復燬天順閣開始振于道士  
吳志中為復閣閣上奉天帝羣曜閣下奉至德及  
句芒六甲巋然高峙上雨傍風蠡蝕其裏不葺且  
圯不佞用以成趙公之志竟新之觀者壯焉夫建  
祠廟不關民事曰淫先賢按郡俱毀之獨存伍相  
吳季雨祠不佞竊嚮往之無寧躬為倡而導之淫

錢塘縣志

紀制

堯

惟是民事先時齊七政以授民時惟帝其先之故  
立春日擊土牛而迎句芒為民宣導春生之氣此  
於民至重歷宋元來不廢茲典亦不廢茲觀而不  
佞奉職無狀無能承宣上帝意而導之民以屏藩  
吳山陽吳山若帶屏翰署宇閣當其東偏震東方  
也帝出乎震萬物出乎震大德曰生句芒肇基是  
代帝宣導德意者也閣前距百武而遙伍相廟遙  
相望躒山俯江神靈鬱盛天時地利是焉是禋蓋  
不獨為觀美何詘之虞是役也趙公倡什三不佞  
同范公成什七陶埴塗賢若上工植若干鳩工六  
月以十月朔日告成事不佞為之記趙公名欽湯  
解州人范公中興觀在大中至德觀左俗呼東嶽廟宋  
各涑休甯人觀後有三茅觀在七寶山之巔宋稱寧  
之殿四字觀後有三茅觀在七寶山之巔宋稱寧  
玉樞雷院聖姥池吳山佑聖觀胡煥重修承天觀  
賜道藏經又改稱吳山欽賜道藏經一部承天觀  
有記萬麻三改稱吳山欽賜道藏經一部承天觀  
俗呼三官廟在吳山城隍廟左宋紹興開建吳訥  
詩孤客憑危正惘然江南春盡落花天海門黑送

千艘雨城廓青炊萬竈煙燒藥金爐猶伏火射潮  
鐵箭久離弦伍員白馬今何在幾處荒臺野鹿眠  
劉基詩吳山頂上承天觀玉牒金符鎮地靈百尺  
樓臺依斗極九天風露出窗櫺江聲洶湧蛟龍闕  
雲氣虛無翡翠屏見說蓬萊通玄觀在馨如坊宋  
恰相對仙凡只在隔滄溟通玄觀在馨如坊宋  
有鬱羅洞天極幽倩胡世宵詩白石層臺俯翠微  
道人曾此振霞衣招搖入夜朝華蓋玄武中霄麗  
羽旗隱隱步虛雲外度琅琅仙吹世間稀月明拜  
罷鐘聲動驚起庭前彩鳳飛姜楠詩仙翁望鶴嘗  
留此跨鶴朝元去不回白鶴有時還一到仙翁何  
日又重來塔前瑤草當年種巖畔桃花幾度開何  
必更尋句曲界翠延祥觀在葛嶺宋高宗為康王  
微深處即天台翠延祥觀使虜嘗見四金甲神為  
衛已而立觀以祀按道經云紫微北極  
大帝之四將口天蓬天猷翊聖真武

庵

紫陽庵 在瑞石山元延祐開徐洞陽于此感紫陽  
真人授道後其徒丁野鶴坐化于此處蛻

錢塘縣志

紀制

卒

見存方伯史繼宸范涑重修屠隆詩靈峰盤陰森  
一疑飛騫天窗開石扇瓊瓏雲霧屯斜陽挂寒  
溜秋潭生夜喧清冷若神漢下浸古松根仙人煉  
藥處至今遺蛻存山風吹鶴巢天香送金磬竹房  
寂無人暝色返孤暎犬吠浣花源猿重陽庵在吳  
迷采芝逕平生愛林栖端居愜幽興  
開成開祖師韓道古結茅于此見青衣童子自洞  
中出良久不見天師廣微子書青衣洞天十方大  
重陽庵吳山福地共一十四字其青衣洞即唐時  
閱古泉也古稱八景所存者止吳山福地一泓  
泉青衣洞天而已餘五景曰雲水鉢堂曰龍虎三  
丹室曰松巢白鶴曰地產靈芝曰萬竿修竹廢三  
一庵在山川壇右內辟美遂開石池三處有神龜  
出韜光庵在靈隱寺西晉天福開建舊額廣嚴白  
沒家瀘泉澄葛粉洗手摘藤花青芥除黃葉紅薑  
帶紫芽命師相伴食齋罷一甌茶縮光不赴詩山  
僧野性好林泉每向巖阿倚石眠不解裁松陪玉  
勒何能引水種金蓮白雲乍可來青嶂明月誰教

下碧天城市不能飛錫去恐妨鶯轉翠樓前謝肇  
制詩虛閣倚岩巖高秋氣次寥亂山圍郭小一水  
接江遙峰勢全欺寺鐘聲牛雜潮平生邱壑興齋  
罷宿僧寮黃省曾詩昔有韜光者巖棲向此中法  
流還挹潤禪秀尚翹風院樹經冬綠林  
曦薄午紅淪蔬供奉酒區外樂嘉同

### 院

神霄雷院在上扇三圖王謙記略云院在慶化山  
若靈窟也當宋嘉定間陳崇真自閩來樂其地遂  
留茲建焉理宗初政聞有道召見命以劍水入布  
巽有紅露異之遂錫以紫芝號爵真人仍賜今額  
中肖九宸道像及列諸雷君操兵以衛儼若神霄  
府也其雪犬在傍而杖戟者徐急捉數於形見人  
尤畏事之元室初西僧楊總欲更爲佛廬者以方  
媚上於塔藏趙氏御骨故無誰何者犬則爲寢噬  
之懼來膜拜即告茜冒皆去仍新以土木焉靈著  
如福清竹院在安樂山前唐中和間建栽竹萬箇  
此福清竹院故名國朝陸光祖復建有雜花堂東

### 錢塘縣志

紀制

空

有福勝奉慶院在惠遷橋南宋嘉泰年建傍有惠  
梅花引湖水絕河東至美俗坊爲大井曰南井熙  
之南引湖守陳密學重築治疏湧金池以竹爲五  
室間廢郡守而東絕三橋于石溝注于南井元祐  
筒引之並河而七入錢買水一斛蘇子瞻復命院  
開復廢民率以瓦筒易竹盛以石槽疏請于朝卽  
僧子珪治之以其井曰惠遷井萬厯戊子陳善覽  
以子珪之號號其井曰惠遷井萬厯戊子陳善覽  
井趙鳴鸞建院  
榜曰古奉慶院

### 宮

宗陽宮在芝松坊二圖卽宋高宗德壽宮也清熙  
純于冕靈順宮在南良坊三圖板兒東嶽行宮在  
爲記靈順宮巷內卽舊寶山院  
華山宋嘉明眞宮在杭州武林門北曰湖墅舊名  
定中建明眞宮在青莎鎮爲玄天上帝眞武行祠  
論曰玄宮釋廬非制也何居乎而紀制曰有勅建

者有賜額者有祝釐者有用宣聖諭者卽不盡出  
昭代惡在其非制矣若夫名流寄迹頓令州媚山  
輝佳境會心賦有金聲玉振則存乎勝外兩紀茲  
不復及云